

Ammasumik ataatsimiinnermi oqaluuserisassat:

Imm.01 Oqaluuserisassat akuersissutigineri

Imm.02 Allaffeqarfimmiit paasissutissiineq

Imm.3.1 2023-p tungaanut eqqagassalerinermut nutaamut ikaarsaarnernissamut tunngatillugu suliniutissat pisariaqartut

Imm.3.2 Misiliutitut suliniut, Kangerlussuarmini avatangiisinik torersaaneq eqqagassalerinermillu kommunip tigusinera

Imm.3.3 Maniitsumi Sisimiunilu Teknikkimut, Pilersuineri Sanaartornermullu 2020-mut ukiumut NALUNAARUSIAAGALLARTOQ

Imm.3.4 Sisimiuni nutarsaanermut aningaasaliissutaasunit agguaassineq

Imm.4.1 Innarluutilinnut angallassisarnissami taxaateqalernissamut akuersissummik qinnuteqaat

Imm.4.2 Sisimiuni GTO-qarfikoq pillugu Emilie Olsen-ip apeqquteqaataa

Imm.4.3 Ataatsimiititaliami siulittaasup Frederik Olsenip sanaartornissamut sullissineri piffissaritat anguniakkat pillugit kissaataa

Imm.4.4 Napasumi illut isatigassat

Imm.4.5 Maniitsumi sisorartunut majuartateeraq.

Imm. 6.1 2020-mi qilalukkat qaqortat qernertallu pisassiissutit atunngitsuukkanik 2021-imut nuussineq

Imm.6.2 Ukiumi pisassiiffiusumi 2021-imi aaffattassat agguaannerat

Imm.6.3 Sisimiut Kangerlussuullu akornanni aqqusinissamut 2021-mi sanaartorneq

Imm.08 Tamalaat

Ataatsimiinneq allartippoq nal. 14.02

Peqataasut:

Siumut

Frederik Olsen
Gideon Lyberth

Atassut

Siverth K. Heilmann

Inuit Ataqatigiit

Axel Lund Olsen

Partii Naleraq

Jens M. Lyberth – Telefonikkut

Nalunaaruteqarlutik peqataanngitsut:

Nalunaaruteqaratik peqataanngiPeqtsut:

Imm. 01 Oqaluuserisassat akuersissutigineri

Akuersissutigineqarpoq

Imm. 02 Allaffeqarfimmiit paasissutissiineq

Hans Ulrik – Qalukorsuit 500 tonsit Sisimiunit Danmarkimut assartorneqalerput, majuartaat angineq ajoquteqalaartarpoq aaqqqittarlunilu, Skicentermi sulisut kommuniq illuaraataanni torersaapput, atorfiit marluk Bygningsinspektøritut nunaminertanillu aqutsisutut inuttalerneqarput.

Ole Kreutzmann – Upalungaarsimanermut piareersarnerit ingerlapput, piareerpata qaqqinneqassapput, nutserneqarneri sivilisungamik. Ilinniartitaanerit ukioq nutaamiik ingerlapput, periarfissaqarluaramik. Brandskole ingerlavoq KTI suleqatigineqarluni. Beredsskabsstyrelsimi nersualaaripput periarfissaq tigulluarneqarmat. Qujassuteqarput ukioq manna kingulliummat ataatsimiinneq.

Gideon – Upalungaarsimanermut suliniutit malunniunnerat nuannerpoq sulisut sulilluarnerat takussutissartaqalermat..

Juliane – Nukissiorfiit ataatsimeeqatigineqarput nunatsinni erngup nukissiorfissatut Maniitsup eqqaani suliniutigineqartut piukkussallu eqqartorneqarlutik. Teknik-qarfimmik saaffiginnissutaasimasut aamma eqqartorneqarlutik qinersereernerup kingorna malitseqartinneqartariaqassapput.

Siverth K – Nukissiuuteqarnermut tunngasoq eqqaavaa. Kangaamiuni iliveqarfiup eqqaani iliveqarfiliortussaasinnaaneranik eqeersimaafiqineqarusupopq.

**Imm.3.1 2023-p tungaanut eqqagassalerinermut nutaamut ikaarsaarnernissamut
tunngatillugu suliniutissat pisariaqartut**

Journalnr.

Tunuliaqutaq

Kommunit ataatsimoorussaaniq eqqagassalerinermut selskabimut ESANI aamma kommunit piginnittut Qeqqata Kommunia, Kommuneqarfik Sermersooq, Kommune Kujalleq aammalu Kommune Qeqertalik 2021-mi februaarip naalernerani illuatungeriit akornanni ingerlatsinermut isumaqatigiissummik atsioqatigiipput, takuuk ilanngussaq 2. 2021-imi ukiup sisamararterutaata siulliani ikuallaavissamut sanaartornermut atasumik taarsigassarsititsinnaanermik kiisalu siunissamut ungasinnerusumut aningaasaliiffiginninnissamik neqerooruteqarnissamut naatsorsuutigineqartunut, aningaasaateqarfinnut suliffeqarfiup ingerlatsinermut aningaasaqarneranut tunngatillugu uppernarsaasiornissamut piumasaqaataasuni pisariaqartuni, ingerlatsinermut isumaqatigiissut kingulliuvoq.

Illuatungeriit akornanni ingerlatsinermut isumaqatigiissut kommunip suliaanut attuumassuteqarpoq, tamannalu Esani-p siunissami ikuallaaviup atuulersinneqannginnerani ingerlanneqartussaalluni, aammalu suliami matumani suliarineqarluni.

Suliami matumani Esani-p Qeqqata Kommuniatalu akornanni pissutsit sammineqarput, matumani kommunimi illoqarfiit marluusut nunaqarfiillu ilanngullugit, Kangerlussuarmili eqqagassalerineq Namminersorlutik Oqartussanit/Mittarfeqarfinit isumagineqartoq ilanngunnagu. Kangerlussuarmut siunissami pilersaarutit suliami saqqummiussami allami suliarineqarput.

Ingerlatsinermut isumaqatigiissutitigut, 2022-mi Esani-mit kiffartuussinernut atuinnermut assiggiimmik atugaqartitsinissamullu akigititanut ukiumut 4,9 mio. koruuninik akiliisarnissamik pisussaaffiliivoq, kiffartuussinerit makkuupput:

- Kommunit piginnittut illoqarfiinut nunaqarfiinullu, ESANI eqqagassanik ikuallassinnaasunik aallertassaaq.
- Illoqarfimmi nunaqarfimmiluunniit umiarsualivimmi aallerneq ingerlanneqartassaaq.
- Poortuisarnermut innersuussutit naapertorlugit eqqagassat poortorneqarsimasut nalunaarutigineqarsimasullu kisimik aaneqartarput.
- Allamik isumaqatigiissuteqartoqartinnagu, inuussutissarsiutilinnit eqqagassat illoqarfinit taamaallaat aaneqartassapput.
- Tunniussinermut innersuussutit naapertorlugit Sisimiuniit Nuummiillu eqqagassat ikuallaavimmut toqqaannartumik tunniunneqartassapput.
- Ikuallaavimmi avatangiisinut akuerisaasumi eqqagassat ikuallanneqarnerisigut peerneqartassapput.
- ESANI illuatungeriit pingajuannit niuernikkut piumasaqaateqarluni eqqagassanik tiguisinnaavoq, kommunilli piginnittuusut salliutinneqartassapput.

Kangerlussuarmi eqqagassalerineq kommunimit tiguneqassagaluarpat, Kangerlussuarmi eqqagassanik aallertarneq ilanngunneqarnikuuvoq.

Tamatuma saniatigut kommunini ataasiakkaani illuinnarnit suliffeqarfimmiillu eqqagassanik katersisarneq isumaginninnermut, aammalu eqqaavissuarni eqqagassanik tiguisarneq kiisalu illoqarfiup

iluani umiarsualivimmut assartuinnermut ingerlatsinermi aningaasartuutunik isumaginnillutillu aningaasaliissapput. Kommunini ataasiakkaani sullissinerit tassaassapput:

- Poortuinissamut innersuussutit naapertorlugit, eqqagassat poortorneqarsimanissaa kommuninit qulakkeerneqassapput.
- Esanip assartuussinnermut umiarsuaa illoqarfimmu/nunaqarfimmu eqqagassanik aallerluni tikippat, eqqagassat poortorneqarsimasut kommuninit ummiarsualivitsigut tunniunneqartassapput.
- Sisimiunut Nuummullu, tunniussinissamut piunasaqaataasut naapertorlugit ESANI-p ikuallaavianut eqqagassalerisut eqqagassanik tunniussisarnissaat, Kommuninit qulakkeerneqassapput.

Siuliani isumaqatigiissutiginninneq ima isumaqarpoq, nunaqarfinnut tunngatillugu suliniut aningaasartuuteqarfiussanngitsaq, suliniut sulisoqarnikkut pissutsinik allanngiussaannngimmat. Illoqarfinnut tunngatillugu, entreprenøritigut eqqagassanik katersisarnerup suliariumannittussarsuineq minnerpaamik sunnertisimassaaq, Sisimiunili ikuallaavimmik ingerlatsinermut aningaasartuutaaruttoqassalluni, aammalu Maniitsumi aningaasartuutit minnerpaaffianiinnissaat naatsorsuutigineqarluni.

Esani-p tigusisarnissamut piunasaqaataanut naleqqussarneqarsimasunik, kommunit tamarmik eqqagassalerinermut maleruagassanik nutaanik peqalissapput, naggataatigullu eqqagassalerinermut nutaamut kommunip ingerlatsinermut missingersuutaanut nutaanik piunasaqaateqalissalluni. Esani-p ikuallaavia siullem 2023-p ingerlalertussaammatt, 2022-p ingerlanerani 2023-mut missingersuummut kommunip ingerlatsinermut missingersuutaa kingusinnerpaamik naleqqussarneqartariaqarpoq.

2022-mi januaarip aallaqqaatanit Esani A/S-ip kommunip ikuallaavianik tigunissaa maannakkut pilersaarutaavoq, taamaalilluni maannakkut siunissamilu ingerlatsinissamut ikaarsaarnissami, ingerlatsinermut naleqqussarnissamut piffissamik pisariaqartumik ingerlatsisoqarsinnaassalluni.

Tamatuma saniatigut ukiuni 2021-mit 2024 tikillugu ilassutitut aningaasaliisoqarnissaa maannakkut pilersaarutigineqapajaareerluni. taamaaliornikkut maannakkut siunissamullu ingerlatsinermut pissutsinullu ikaarsarneq ilutigalugu, kommunip pisussaaffii pilersaaruserneqarsinnaallutillu ingerlanneqarsinnaallutik. Ukiuni 2021-mit 2024 tikillugu aningaasaliinissamut pisariaqartitani makku ilaapput:

1. Maniitsumi Maniitsumiillu nunami imaanilu assartuinissamut eqqagassanut containerinik pisineq.
2. Maniitsumi ikuallaaviup tigooraavinngornissaa kiisalu Sisimiuni ikuallaaviup isaterneqarnissaa imaluunnit allamut atugassanngorlugi allanngortiterneqarnera.
3. Eqqaavissuarni pioreersuni torersaassineq.
4. Piffissami ikaarsaarfiusumi nunaqarfimmit eqqagassanik ataavartumik assartuinissamut qulakkeerinnineq.

Maleruagassatigut tunngavissat

Kiassaateqarfinnik ingerlatsinermut aserfallatsaaliinermullu - kiisalu kiammik pilersuinnermut Nukissiorfiit akisussaapput.

- Kommunip pigisani nammineq aserfallatsaalisussaavai.
- Kissamik innaallagiarlu atorlugi kissaq pillugu Nukissiorfiit tunniussinissamut piunasaqaataat.
- Nukissamik pilersuineq pillugu Inatsisartut peqqussutaat nr. 14, 6. november 1997-imeersaq.
- Avatangiisit innarlitsaaliorneqarnissaanik Inatsisartut inatsisaat nr. 9, 22. November 2011-meersaq.

- Ileqqoreqqusat, ESANI A/S
- Kommunit Esani A/S-illu akornanni ingerlatsinermit isumaqatigiissut.

Pissutsit atuuttut

Kommunit ataatsimoorussamik ikuallaaviannik aammalu selskabimik Esani A/S-imik pilersitsinissamut suliniaqaqqaarneq, kommunit tamat ulloq manna tikillugu eqqagassalerinermit annertumik atuffiuneranik malunnaateqarpoq, eqqagassalerinerlu peqqinnermit avatangiisinullu ulorianaateqanngitsumik suliarineqarneq ajorluni, piffissallu ingerlanerani ikuallaavinni tamani iluarsartuunneqarnissaannik pisariaqartitsineq annertusiartorsimalluni. Pissusiusimasunut, soorlu ullumikkut aamma suli taamaattumut sanilliullugu, allatut iliuuseqartoqartariaqalersimavoq.

2015-imi ukiakkut Sisimiuni Maniitsumilu ikuallaaviit pioreersut qanoq issusaannik, Babcock & Wilcox Vølund-imit TAI misissuititsivoq. Sisimiuni ikuallaavimmut 1998-imi sanaartorneqartumut tunngatillugu ersarilluinnartumik nutaamik ikuallaaviliortoqartariaqarneranik inerniliussaqqarpoq, ikuallaavik pioreersoq naak kommunimi eqqakkat annertussusaannut naammattumik inissaqartitsigaluarluni, piffissami ingerlavigisamini tamani illersorsinnaasumik ingerlatsisimanngilaq aammalu tigusinnaasat annertuut annaasimallugit. Maniitsumi ikuallaavimmut nutaanerulaartumut inernilunneqarpoq, Sisimiuni ikuallaavittulli qanoq issusaa ajorpallaanngitsooq, taamaattorli ullutsinnut naleqquttumik nutarsarneqarsinnaanissaanut 74 mio. koruuninik aningaasaleeqqittoqarnissaanik pisariaqartitsisoq. Naak ikuallaaviit ingerlagaluarlutik, amigartumik aserfallatsaaliineqarnerisigut piginnaasatigut unammillernartitsinerit annertusiartuinnarput, illuatungaattigullu eqqagassat avatangiisinut peqqinnermullu ulorianaatillit toqqortorneqartut, pinngortitamut innuttaasullu peqqissusaannut ulorianaateqarlutik, ukiumiit ukiumut annertusiartuinnartut ikuallanneqarnissaat angumerineqarsinnaasimannngillat. Ikuallaavinnut nutaanut marluusunit, annertoqataanik piginnaasaqarlutik, tamarmik immikkut 130 mio. koruunit missaanik naleqarput, taakkulu ullumikkumut anginerusunut pilersaarutaasunit mikineruvallaaratik. Ikuallaavinnimmi maannakkut avatangiisinut piomasaaqatitaqartunik taamak mikitigisunik sanaartortoqarsinnaanngilaq, taamaalillunilu Namminersorlutik Oqartussanit akuersissutigineqarnaviarani.

Kommunip allaffeqqarfiinut, meeqqeriveqqarfiinut inuussutissarsiuteqqarfiinilu, aserfallatsaaliinissamut nutarsaanissamullu 2016-imi maajip 26-a tikillugu amigartumik ukkatarinninnerit ingerlasimapput, piffissami tassani Qeqqata Kommuniata kommunalbestyrelsi TAI-p allaffissornerata ataani aserfallatsaaliinermit aningaasaliissutisunik, katillugit 13,5 mio. koruuninik ukiumut aningaasaliisarnissamik akuersissuteqarpoq, tamannalu suli atuulluni.

Ukiut ingerlanerini kommunalbestyrelsip nutarsaanissamut aningaasaliissutisunik pilersitsinissamut aningaasaqarnikkut akisussaassuseqarluartumik aalajangiineruvoq, tassa ukiuni qulikkaani arlaqartuni illuutit kommunip sanaartornermit aningaasaliiffigisaanut aningaasaqarnikkut naleqartitanut ilaasuupput, aserfallatsaaliinerilli ingerlanneqannginnerisigut illuutit nalingi apparitortarput, naggataatigut ajornerpaamik pisoqartillugu illuutit ima aserfallatsigisinnaapput ingutserneqartariaqarlutik, illuutillu akisungaatsiartunik taarserneqartariaqartarlutik. Illuutit pioreersut aningaasaqarnikkut nalinginut atatillugu, kommunip ukiumut sanaartornermit aningaasaliissutaasa nalingi sanilliutissagaanni annikitsuararsuupput. Qujanartumillu kommunip illuutai INI A/S-imit allaffissornikkut ingerlanneqarnikuupput, taamaalillutillu ukiut ingerlanerini kommunip illutaata sinneranut sanilliullugit isumagineqarnerunikuusimallutik.

Sisimiuni ikuallaavimmut atatillugu, kingorna TAI Nukissiorfinnut suleqatiserinninnikuuvoq, ikuallaavimmit pioreersumit avataanit kissamik tunisisarnerup annertusarneqarnissaanut,

suleqatigiinnissamik isumaqatigiissut atsiorneqarnikuulluni. Tamatuma saniatigut uuliamik atuineq naapertorlugu akigititaq, siusinnerusukkut ingerlanneqartaraluartoq, maannakkulli allaganngorlugu isumaqatigiissut tunngavigalugu, tunisinissamullu annertunerusumik tunisinissamut periarfissaqarluni ingerlanneqartaraluartoq aallaavigalugu, tunisinissamut isumaqatigiissut illuatungeriinnit atsiorneqarpoq. Sisimiuni kissamik nukissamillu ataatsimut pisariaqartitaanik erngup nukinganik nukissiorfiup piginnaasatigut matussusersinnaangimmagu, aammalu erngup nukinganik nukissiorfiup allilerneqarnissaanik periarfissaqanngimmat, tuniniaanermut isumaqatigiissumik isumaqatigiissusiorsinnaasimapput. Siusinnerusukkut taamatut suliniuteqarsimanerit ikuallaavinnik akisungaatsiartunik pissusioqqaartunik attassiinnarnermik, avataanit kissamik isertitanik annertunerulersitsinernik kinguneqarsimasinnaagaluarput, ikuallaaviullu piginnaasaat qaffasinnerusimassagaluarlutik, ikuallaaviulli qanoq issusaatigut ajorsiaortneratigut tamatumingga kingusinaartitsisoqarpoq, taamaalillunilu siusinnerusumut sanilliullugu kissamik pilersitsisinnaanera annikinnerulersimalluni.

Qeqqata Kommuniani eqqagassalerinermut isumaqatigiissut atuuttoq, Nukissiorfimmit tunisinermut suleqatigiinnissamullu isumaqatigiissutaasut tunngavigalugit suliarineqarpoq, taamaalillunilu anguniakkat attatiinnarnissaanut suliniummut allaaserinninnermik imaqarpoq, tassanittaaq peqqinnissamut avatangiisinullu tunngasutigut anguniakkat saniatigut, aningaasaqarnikkut kajujuummissummik pingaartitsisoqarluni.

Qeqqata Kommuniata Nukissiorfiillu akornanni tunisinermut isumaqatigiissutip tamakkiisumik atorluarneqarnissaanut atatillugu, maannakkut illoqarfiup avataanit kissamik ukiumut 20 mio. koruunit missaanik tunisinermut annertutigisumik atuisoqarluni, kommunip nammineq tunisassiarisinnaasaanit, annertunerusumik piginnaasaqarnissamik kiisalu eqqagassat annertunerusut pisariaqartinneqarsimapput. Nukissiorfiit avataanit kissamik tunniussisinnaaneranut ajornartorsiutaasumut aaqqiissutaagallartutut, missingersuutunik qinnuteqartoqarpoq, uuliakumillu ikuallaavimmik pisisoqarluni kiisalu Kommuneqarfik Sermersooq-mit uuliakunik tigusinissamik pitsaasumik isumaqatigiissusiortoqarluni. Ikuallaavimmi annertuumik ajornartorsiortoqaraluartoq, suliniut ukiumut 2-4 mio. koruunit missaanik avataanit kissamik tunisaqarnikkut isertaqartitsivoq, tamannalu ingerlatsinermut atuiffimmi atuinnermik apparsaataaqataalluni. Taamaattorli eqqagassat suliarineqanngitsut annertusiartuinnarput.

Ataatsimoorussamik kommunit ikuallaaveqarnikkut aaqqisummut ataatsimoorussamik suliniut, kommunit Namminersorlutik Oqartussat 2018-imi Nuummi upernaakkut avatangiisitigut ulloqartitsinermi pingornikuuvoq, tassanilu Qeqqata Kommunian Kommuneqarfik Sermersooq-llu pingaarnertut nuna tamakkerlugu aaqqiissuteqarnissamik pisariaqartitsineq pillugu saqqummiisoqarnikuulluni. Qeqqata Kommunianit saqqummiussaasimasoq ilanngussaq 1-imi takuneqarsinnaavoq, nuna tamakkerlugu ingerlatsinermik aammalu nukissiutunik pilersuinnermik isiginnittumik kiisalu piginnittuunermut ilutsit assigiinngitsut tunngavigalugit, Sisimiuni nuna tamakkerlugu ikuallaavimmik pilersitsinissamik kiisalu Nuummi ikuallaaviup attatiinnarnissaanik tunngavilersuisoq. Qaammataalunnguit qaangiummata kommunit naapeqqinnissamik isumaqatigiissuteqarput, naapinnermilu Qeqqata Kommuniata Kommuneqarfik Sermersooq-llu avatangiisinik ulloqartitsinermi saqqummiussaanni isumassarsianik suliaqaqqillutik, tamatumalu kingorna ataatsimoorussamik allakkiamik suliaqarlutik. 2018-imi upernaakkut kommuninit ataatsimoorussamik suleqatigiissitat pilersinneqartut innersuussinerisigut, Naalakkersuinnerikkut Ataqtigiissaarisartoqatigiit (PKG) 2018-imi septembarip 25-ani ataatsimiinneranni, Kalaallit Nunaanni kommunit ataatsimoorussamik eqqakkanut tunngatillugu iluarsisuteqarnissaat pillugu suliap ingerlateqqinneqarnissaa aalajangiunneqarpoq.

Tamatuma kingorna Qeqqata Kommunia kommunillu sinneri Esani A/S-imik piginneqataasut, kommunit ataatsimoorussamut eqqakkanut tunngatillugu iluarsissuteqarnissamut selskabimik pilersitsinissamut politikkikkut innersuussummik suliaqarput, taannalu akuersissutigineqarluni. Kingorna Avannaata Kommunia tunuarpoq, uteqqinnissaminulli suli periarfissaqarluni.

2019-ip aallartinnerani Selskabimik pilersitsinerup kingorna, maskiinanut aammalu illutaanut pilersaarummut atortunut suliariumannittussarsiuussineq tunngavigalugu maannakkut missiliutigineqartut aallaavigalugit, katillugit 453 mio. koruuninik aningaasaliisoqarnissaanik pisariaqartitsisoqartoq Esanimit paasineqarpoq, tullinguuttutigullu isertitaqarfusinnaasunit aningaasaliisoqarnissaanik qulakkeerinnissamik suliamik suliaqartoqarluni:

1. Kommuninit piginnittunit katillugit 41,6 mio. koruunit attartorneqarnissaat tapiissutigineqarnissaallu qulakkeerneqarput.
2. Namminersorlutik Oqartussanit katillugit 56,0 mio. koruunit ingerlatsinerup sanaartormullu tapit qulakkeerneqarput
3. Nukissiorfinnit 2,5 mio. koruuninik tapiissutit qulakkeerneqarput.
4. Sanaartormup atasumik taarsigassarsiaagallartutut, kingusinnerusukkullu ungasinnerusumut taarsigassarsiannortillugu, aningaaserivinnut pingasunut aningaasaliinermik isumaqatigiissusiorluni, aningaasaliissutissatut pisariaqartinneqartut sinnerisa pissarsiarinnissaanut Esani A/S maannakkut suliaqarpoq.

Siunissami ingerlatsinerup isertitassanut atatillugu, pissarsianit aningaaserivinnut selskabimillu ingerlatsinerup aningaasartuutit akilerneqartussanngorlugik, Sisimiuni uuliamik atuineq naapertorlugu akigitamut naapertuuttumut (ullumikkut 20 mio. koruunit missaanik naleqartoq aammalu atuinerup uuliap aki apeqqutaalluinnarluni) Nukissiorfinnut tunisinissamut Esani A/S isumaqatigiissutinik atsiornikuvoq, Nuummilu ukiumut 2,5 mio. koruunit aalajangersimasut. Nukissiorfiit tungaanit piffissaq sivikitsup iluani atorunnaarsinneqarsinnaalluni, Qeqqata Kommuniata Nukissiorfiillu akornanni isumaqatigiissut pioreersumit illuatungiulluni, isumaqatigiissutit taakku ukiuni 30-ni atuuttussaapput, taamaalillutillu ukiut 30-t ingerlanerini isertitaqarnissamut tunngaviliinernik qulakkeerinnillutik.

Selskabip kommunillu ataasiakkaat ataatsimut eqqagassalerinerup akilersuutit agguataarneqarneri pillugit, kiisalu Esani A/S-imut ingerlasussanik ukiumut atuisut assigiimmik atugaqartitsinissamullu akiliutissat 21,4 mio. koruuniusut pillugit, Esani A/S kommunillu piginnittut tamaasa akornanni ingerlatsinerup isumaqatigiissummik atsiogatiittoqarnikuvoq. Eqqagassanik atoqqinneqarsinnaasunik assartuinerup suliareqqiinerup tunngatillugu selskabi kommuninut soqutiginnittunut immikkut ingerlatsinerup isumaqatigiissusiornissamut suliaqarportaaq, soorlu ulluinnarni nioqqutinik utertitsinnaanerup systemi selskabimut siunissami isertitsissutaasinnaasutut ineriartortitsilluni suliniutit ilaasut. Tamakku selskabimut kommuninullu piginnittunut iluaqutaasussaapput, aningaasaliinissamullu misissueqqissaarnerup ilanngunneqarnikuunatik.

Taakkuninnga isumaqatigiissuteqarnikkut, ikuallaavinnut annertuunut marlunnut sanaartornissamut aningaasartuutissanut kiisalu nunap sinnerani illoqarfinni annertunerusuni uuliakunik ikuallaavinnut aningaasaliissutaanissaat pilersaarutaaqqaarpoq, kingornalu ingerlatsinerup ukiumut aningaasartuutissatut pisariaqartunut, minnerunngitsumillu aserfallatsaaliinerup aammalu siunissamut aningaasaliissutissanut, sanaartukkat atulerneraniit ukiuni 30-ni atuutissallutik. Naak atuilluartumik ingerlatsinissaq aningaasaqarnissarlu pisariaqaraluartoq, aningaasaliisunit sanaartukkat ukiuni tulluuttuni 30-ni imminut illersorsinnaasumik ingerlanneqarsinnaanissaat piomasqaataavoq. Siuliani

aningsaasaqarnermut pissutsit pitillugit, piumasaqaatit naammassineqarnissaat taamaalilluni pilersaarutaavoq.

Esanip aningaaseriviillu aningaasaliinissamut isumaqatigiissutaat kingulliit, 2021-mi ukiup sisamararterutaani siullermi piareerneqarnissaat naatsorsuutigineqarpoq, tamatumalu kingorna sanaartorneq aallartinneqarsinnaalluni. Sanaartorfissat piareersarneqareerput, soorluttaaq suliariumannittussarsiuussinerit ilaat ingerlanneqareersut, aammalu aningaasaliissutut inissereeriarpata, upernaamut suliariumannittussarsiuuttussanngorlugit pilersaarusiernerit tamakkiisumik naammassineqangajalersut.

Maannakkut eqqagassalerinermut siunissamut pissutsinut ikaarsaarnissamut atatillugu, Esani kommunillu ataasiakkaat iluatsilluartumik misiliutitut suliniutinik annertuunik, soorlu eqqagassanik assartuineq, ukiuni kingullerni illoqarfinnit nunaqarfinniillu eqqakkanik poortorsimasunik umiarsuarmit eqqagassalerinissamut attartukkanik aallertoqartarluni ingerlatsereerput, illoqarfinnilu nunaqarfinnilu assigiinngitsuni eqqakkanik assigiinngitsutigut poortuisarnernik ingerlatsisoqarnikuulluni.

Ikuallaaviit nutaat ingerlaleriarpata, Qeqqata Kommunianut tunngatillugu Sisimiuni eqqagassalerinissaq soorunami minnerpaaffianiilissaaq, sinerissamullu sanilliullugu Maniitsoq Sisimiut ungasinngisaani inissisimammatt, umiarsuaq eqqagassalerisumik Maniitsoq akulikinnerusumik tikiqqartassaaq. Tamanna ima isumaqarpoq, eqqakkanik inissigallarnernit annertugisassanaviannngitsut, eqqakkalli containerinut lastbilinut, containerinik kivitsisinnaanermut piginnaasaqartunut aammalu umiarsuamut eqqagassalerisunut kivinneqarsinnaasunut, tulluarsakkanut immikkut ittunut toqqaannartumik iginneqartassallutik. Ima isumaqarpoq, Sisimiuni Maniitsumilu siunissami kommunimit eqqagassalerinernit tullinnguuttut patsisaallutik annikillisinneqassapput:

1. Ikuallaaviup Sisimiuni inissisimanera, kommuninut piginnittunut Esanimit assigiimmik atugaqartitsinissamut akigititatigut tamanna illuatungilerneqassalluni.
2. Sinerissami ikuallaaviit poortuisarfittut allanngortinneqartussatuulli, ikuallaavimmik allanngortitsinissamut pisariaqartitsinerup annikinneruneranik kiisalu ingerlatsinermut aningaasartuutaangaatsiartumik eqqagassanik poortuinissamut pisariaqartitsinermik annikilliliisumik, Maniitsoq umiarsuarmit eqqagassalerisumik containerinik assartuisartumit annertuumik tikiqqartarnera. Eqqaavissuilli pioreersut silami atortulersuutitut naleqqussarneqarlutik allanngortiterneqqaassapput.

Qeqqata Kommuniani nunaqarfinni suliniutit pioreersut ingerlateqqinneqassapput, Esanilli eqqagassanik assartuinermit aningaasaliineratigut, taamaalillunilu 2023-t tungaanut, Esanimit assartuussinerup tigiinissaata tungaanut, nunaqarfinnit eqqakkat assartorneqarnerisa ingerlatiinnarnissaannut aningaasaleqqittoqarnissaanik pisariaqartitsisoqarpoq.

Atuilluartuunissakkut kingunerisinnaasai

Suliniummot oqaluuserisassatut saqqummiunneqartartuni peqqinnissamut avatangiisitigullu isiginnittariaatsit nassuiarneqareerput, tulluuttumilu kommunip nunalu tamakkerlugu aningaasaqarnikkut tunngatillugu suliniutinik pingaarnersiornermik tunngassuteqarneruvoq.

Suliffeqarfinnut namminersortunut sanilliullugu, pigisat nalillit nalinginik, matumani ukiumi naatsorsuusiorfiusuni illuutit nalinginik pioreersunik kommunit nalunaarutiginninnissaminnut piumasaqaateqanngillat. Suliffeqarfiit namminersortunit pigineqartuni nalillit nalinginik nalunaartussaataaapput, ilaatigut aserfallatsaaliisimannngikkut nalinginik apparsaasoqartarluni.

Tamakkuli ukiumiit ukiumut naatsorsorneqartarput, taamaaliornikkut aningaasaliiffigisanut naleqartitanut paarsilluarnissamut atatillugu, naatsorsuinikkut sakkussamik suliaqartoqarnikuuvoq. Kommunit aningaasaliiffiginikuusimasaminnik aserfallatsaaliillutik sakkut allat atorlugit nakkutiginnilluarsimangikkunik, piffissap ingerlanerani iluarsartuussinikkut kingulerutitsinikkut naleqartitanik annertuumik annaasaqartoqassaaq. Kalaallit Nunaanni kommunit ikuallaavimminnik pioreersunik paarsilluarsimanginnerannik uppernarsaatissaqarpoq, Esanillu selskabitut aaqjissuussaanageratigut pissutsit pitsaangitsut, ukiut ingerlanerani inuiaqatigiinni ataatsimut nalilinnik annertuumik annaasaqartitsisunik ilaatigut qaangerniarneqarput. 2016-imi iluarsartuussinermut aningaasaliissutinik pilersitsinissap tungaanut, Qeqqata Kommuniani allaffissuarmi, paaqqinnittarfinni illunilu inuussutissarsiorfiusuni pissutsit tamakku atuussimapput.

Kommunimut killeqartumik aningaasaateqartumut, naatsorsuutigisat naapertorlugit kommunip suliaasaatanik ataavartumik ingerlatsisarnissaaq, ineriartortitsisarnissaaq kiisalu siunissamut qulakkeerinninnissaaq pingaaruteqarluinnarpoq. Illuatungaatigullu kommunip aningaasaliiffigisaanut nutaanut, ullumikkut ingerlanneqanngitsunut piunngitsunullu, ajornartorsiortitsinermik pilersitsissapput.

Pisussaaffinnik pioreersunik ineriartortitsisoqaranilu siunissamut qulakkeerinninngikkaanni, kommunip suliaasaanut imaluunniit pilersaarutaanut aningaasaliinissaaq ajornartorsiutinik annertunerulersitsinerussaaq, aningaasaliinerilli nutaat sipaarutinik imaluunniit isertitanik annertuumik qaffariaatitaqartumik imaqarunik, tamanna atuutissanngilaq. Esanip kommunillu piginnittuusut akornanni una suliniut, kommunip pisussaaffiinnik ineriartortitsineruvoq, kommunini peqataasuni tamani pissutsinik pioreersunik nutarsaanermik siunertaqartoq, siunissamut qulakkeerinninnermik, avatangiisitigut peqqissutsikkullugu pissutsinik kiisalu aningaasaqarnikkut iluanaarfiusussaaq.

Inuiaqatigiinni aningaasaqarnermut atatillugu, suliniut ilaatigut ikuallaavinnit marluusunit taakkunanga avataanit kissamik annerpaamik tunniussisinnaagunik - Nuummi erngup nukinganik nukissiorfik ikuallaavimmit nukimmik pisariaqartitsilissappat, nunap iluanit orsussamik atuinerup ukiumut 40 mio. koruunit missaanik, maannakkut uuliamik atuineq naapertorlugu aki aallaavigalugu, atuinnermik appariaareqartitsissaaq. Tamatuma saniatigut illoqarfinni nunaqarfinnilu eqqakkanik ikuallaavimmut ikuallatassanngorlugit assartorneqarneratigut, inuussutissarsiornermut annertunerusumik suliaasaqartitsilerneramik pilersitsisoqassaaq.

Aningaasaqarnikkut allaffissornikkullu kingunerisinaasai

Suliami matumani tunuliaqutaani soorlu allassimasoq, Maniitsumi Sisimiunilu pissutsinut nutaanut ikaarsaareernermi, ikuallaavinni pioreersuni ingerlatsinikkut missingersuutitigut taamaallaat allannguuteqartitsissaaq, eqqagassalerinnermi aammalu illoqarfinni eqqagassanik entreprenørit imaarsisarneranut akissarsianut ingerlatsinermut aningaasartuutit annertunerusumik aningaasartuuteqarfiunnginnissaat naatsorsuutigineqarluni.

Siunissamili ingerlatsinikkut aningaasartuutit kommuninit Esanimut eqqakkanik tunniussinissamut piumasaqaataasunut naleqqussarneqassapput, tamakkulu eqqakkanut maleruagassatigut kiisalu atuisunut eqqagassalerinnermut akigitatigut pissallutik. Suliniutit tamakku piaartumik aallartisarneqassapput, 2023-mullu missingersuusiormut atatillugu kingusinnerpaamik suliarineqasallutik. Taamaattorli avataanit kissamik tunisat ukiumiit ukiumut nikerartunut, aammalu 2020-mi Sisimiunut (562040300) 4,3 mio. koruuniulluni aammalu Maniitsumi (563030300) 2,0 mio. koruuniulluni, najugaqarfinni marluusuni isertitat ilanngullugit, ikuallaavinni maannakkut atuinnermik sippuisoqannginnissaa

naatsorsuutigineqarpoq. Atuisut (pingaarnertut inuussutissarsiortut) kommunillu akornanni nammanneqartut agguataarneqarnerat eqqagassalerinermut maleruagassat nutaatigut agguataarneqassapput, soorlu isertitassatut naatsorsuutigineqartut akigitatigut naleqqussarneqarnissaanik periarfissaqartoq. Sisimiuni Maniitsumilu eqqakkat oqimaalutartarnissaanik atuutilersitsinermi, piffissami matumani Nuummi eqqakkanik tigooraavimmi oqimaalutaasarnernit misilittakkat aallaavigalugit, akigititanik assigiissaartunik akiliisitsisoqarsinnaanera maannakkut naatsorsuutigenqalereerpoq.

Sisimiuni eqqaavissuup ingerlanneqarnera 2022-mi januaarip aallaqqaataanit Esanimit tiguneqassagaluarpat, 2023-mi ikuallaaviup nutaap atuutilersinneqarnissaata tungaanut ukiumut ingerlatsinermut aningaasartuutit kommunimit sipaarutigineqarsinnaapput, taakkulu siuliani taaneqartut ukiumiit ukiumut allanngorarlutik 2020-mi 562040300-p ataani 4,3 mio. koruuniupput. Tamatuma saniatigut piffissami tassani saviminikunik eqqaavissuup ingerlanneqarnera Esani A/S-imit tiguneqarsinnaalluni, maannakkut entreprenørimut ukiumut 350.000 koruuninik naleqartoq 2021-mi aggustip aallaqqaataani atorunnaartussaalluni, tassa ilanngussaq 4-mi isumaqatigiissut atuuttumut tunngatillugu allamik isumaqatigiissusiortoqarsimangippat. Taamaattumik entreprenørip pioreersup kiisalu Esani A/S-ip akornanni ikaarsarneq eqaanneruniassammatt, 2021-mi decembarip 31-ata tungaanut isumaqatigiissut entreprenørimut isumaqatigiissuteqarfigeriikkamut sivitsuisoqartariaqarpoq.

2023-mi Sisimiuni ikuallaaviup nutaap atuutilerneranit illuatungeriinnut tamanut iluaqutaassappat, siunissami eqqagassalerinermut ikaarsaarnissamut eqqakkanut atoqqitassanut tamanut atatillugu ingerlatsinermut isumaqatigiissummut ilassutitut isumaqatigiissutinik qulakkeerinissamut, Qeqqata Kommunia aamma Esani A/S suliaqassapput.

Kommunimi maannakkut siunissamilu eqqagassalerineq ajornanngitsumik ikaarsaarnissaanut, 2021-2024-mi sanaartornermut missingersuutit agguataarneqartuni tullinnguuttutigut ilassutitut aningaasaliisoqarnissaanik pisariaqartitsisoqarpoq:

**Teknikkeqarnermut ataatsimiititaliap marts-ip 4-ni 2021 ileqqusumik ataatsimiinnerani imaqarniliaq
02/2021**

Sted	Omkostninger	Budget 2021	Budget 2022	Budget 2023	Budget 2024	Kommentar
Sisimiut	Ombygning af forbrændings anlægget	-		-	2.000.000	Der forhandles med Esani om overtagelse af fra og med 1. januar 2022. Når anlægget ikke længere er i drift kan den enten nedrives eller tilpasses til anden fremtidig brug. Indtil videre er der regnet med nedrivning.
Sisimiut	Afdækning af eksisterende dump				500.000	Hele pladsen omdannes til containerplads - fri for affald.
Maniitsoq	Dumpoprydning inkl. tømning med affaldsskib	1.500.000		-		Oprydning kan allerede ske snarest, så man overgår til normal drift snarest.
Maniitsoq	Ombygning af forbrændingsanlæg			-	1.000.000	Sætte ovnen ud af drift og fjerne skorstenen samt tilpasning af bygningen
Maniitsoq	Vægt			350.000		Indkøb inkl. fragt og installation, scanvægt komodo til ca. 200.000 kr. i anskaffelse.
Maniitsoq	Containere (ikke 20 fods)		1.520.000			38 små containere til forsendelse af affald. Udgiften reduceres ved genbrug af evt. restcontainere fra pilotprojektet i Kangerlussuaq.
Maniitsoq	Indretning af containerplads med rampe		200.000			Affaldsbiler skal tømme direkte til containerne.
Øvrige bygder	Containere til genbrugsaffald		120.000			2x10 fods containere til hvert bygd til genbrugsanvendeligt affald.
Øvrige bygder	Affaldstransport indtil Esani kommer i drift	500.000	500.000			Bliver en del af kommunens brugerafgift, når nye forbrændingsanlæg er i drift.
I alt	Investeringsbehov til eksisterende anlæg	2.000.000	2.340.000	350.000	3.500.000	Ved investeringer alene til eksisterende kommunale affaldscentre.

Siuliani taaneqartumut siunertamut ilassutitut aningaasaliisoqarpat, allaffeqarfimmit ”Eqqagassalerinermut nutaamut ikaarsarneq”-mik suliniut taallugu sanaartornermut atuiffimmik ataatsimik pilersitsiniarpoq, atuiffimmullu ataatsimoorussamik 8,2 mio. koruuninik aningaasaliiffiulluni. Aningaasat siuliani eqitsisini kisitsisit naapertorlugit ukiunut 2021-2024-mut agguataarneqassapput.

Periarfissaq alla tassaavoq, 2021-mi 2 mio. koruuninik aningaasaliisoqarluni, aningaasallu sinneri 2022-mut missingersuusionermut atatillugu teknikkeqarnermut ataatsimiititaliamit qinnuteqaatigineqassallutik. Taamaattorli aqqiissut taanna akornuteqarpoq, aningaasaliiffigineqarnissamik nalorninartoqarnera patsisaalluni piffissaq sioqqutingaatsiarlugu pilersaarusiortoqarsinnaani.

Allaffeqarfiup naliliinera

Allaffeqarfik naliliivoq, Qeqqata Kommuniata Esani A/S-illu akornanni suliassat pisariaqartut piffissaq sioqqullugu pilersaarusiorsinnaaqullugit, maannakkut siunissamilu eqqagassalerinerup ajornannginnerpaamik ikaarsarnissaanut atatillugu ”aningaasaqarnermut allaffissornikkullu kingunerisissaanaai”-ni suliassanik ingerlatsinissamut, sanaartornermut atuiffikkut 2021-2024-mi 8,2 mio. koruunit ilassutitut aningaasaliissutit agguataarneqarnissaat pisariaqartoq.

Allaffeqarfiup nalilerpaattaq, 2022-mi januaariup aallaqqaataanit Sisimiuni saviminikunik eqqakkanillu atoqqinneqarsinnaasunik tigooraavik ilanngullugu, Sisimiuni ikuallaaviup pioresup ulluinnarni ingerlanneqarnerata tiguneqarnissaa, Esani A/S-imut Qeqqata Kommunianullu pisariaqartoq. Esani-

mut atatillugu, ikaarsaaneq pitsaasoq selskabimit qulakkeerneqarusuppoq, Kommunimullu atatillugu ikuallaavimmi atuinnermut ukiumut nikerartumut sipaaruteqassalluni, ”anigaasaqarnermut allaffissornermullu kingunerisinnasai” naapertorlugit 2020-mi isertitat kingorna 4,3 mio. koruuniullutik. Allatut oqaatigalugu, ukiut marlussuit kingorna 8,2 mio. koruuninit ilassutitut aningaasaliissutit utertinneqariissapput.

Taamaattorli ingerlatsinerimut atuiffimmit siuliani pisariaqartitanut ilassutitut aningaasaliinikkut aningaasaliinissaq siunertarineqanngilaq, tassa teknikkeqarnermut pilersuinerimullu tunngasut iluini maannakkut missingersuutitigut agguataarineq (atuiffik 2 aamma 6) annerusumik minnerusumilluunniit, naatsorsuutininut systemimut nutaamut ilaareerput, ataatsimoorussamik pingaarnertut aningaasaliissutit ilanngunnagit. Maannakkutaaq akissarsianut atuinerup aammalu teknikkeqarnermut pilersuinerimullu tunngasuni anigaasaqarnermut systemimi nutaami allassimasut akornanni annertuumik nalorninarpoq. Anigaasaqarnermut pissutsit ulluinnarnut attuumassuteqartut immikkoortillugit suliarineqartarput, politikikkullu ataatsimiititaliamut qaammammut, ukiup sisamarterutikkaalugit ukiumullu nalunaarusianut ilanngunneqartarlutik.

Innersuussut

Allaffeqarfiup teknikkeqarnermut ataatsimiititaliamut, anigaasaqarnermut ataatsimiititaliamut kommunalbestyrelsimullu innersuussutigivaa:

2022-mi januaarip aallaqaataanit Sisimiuni ikuallaaviup ingerlanneqarnerata, saviminikunut eqqaaviup ingerlanneqarnera ilanngullugu, sulisut kiisalu atortuutit ilanngullugit Esani A/S-imut tunniunniissaanut allaffeqarfik pisinnaatinneqassasoq, taamaalillunilu ingerlatsinerimut anigaasartuutit Esani A/S-imit ingerlanneqalissallutik. Esani ikuallaavimmut nutaamut ikaarsaarnerani, atortulersuutit atortullu Qeqqata Kommunianut utertinneqassasut.

2021-mi decembarip 31-ata tungaanut maannakkut saviminikunut eqqaaviup ingerlanneqarneranut maannakkut entreprenøriusumik isumaqatigiissutit sivitsorneqarnissaanut isumaqatigiissusiornissamut sivitsuinnissamullu allaffeqarfik pisinnaatinneqassasoq, aammalu ilassutitut aningaasaliinissaq annikinnerusooq (ukiumut isumaqatigiissut 350.000 koruuniulluni aalajangersimasumik akiliutaasarpoq, tunniunneqarsimasullu annertussusaanut naatsorsuinerit tunniunneqartarlutik) kingusinnerusukkat suliarineqassalluni.

”Allaffissorinikkut anigaasaqarnikkullu kingunerisassai”-ni eqitsit naapertorlugu, 2021-2024-mut ukiut missiliuteqarfiusunut agguataarlugit 8,19 mio. koruunit katillugit atuiffimmut nutaamut ”Eqqagassalerinerimut nutaamut ikaarsaaneq”-mut, allaffeqarfimmit kingusinnerusukkat pilersinneqartussamut ilassutitut aningaasaliisoqassasoq.

Esani A/S aamma Qeqqata Kommuniata ingerlatsinerimut isumaqatigiissutaat pillugu, allaffeqarfiup paasissutissiinera tusaatissatut tiguneqassasoq.

Eqqagassanut maleruagassanik eqqakkanullu akigititanik nutaanik suliaqarnissamut pisariaqartitsineq pillugu allaffeqarfiup paasissutissiinera, matumanilu ingerlatsinerimut missingersuutit naleqqussarneqarnissaanut pisariaqartut, kingusinnerpaamik 2023-mut missingersuusiornissap ingerlanneqarnissaa tusaatissatut tiguneqassasoq.

Aalajangiineq:

Innersuussutigineqartoq akuerineqarpoq

Ilanngussat:

1. Selskabip pilersinneqannginnerani ataatsimoorussamik kommunit eqqakkat pillugit aaqqiissuteqarnissamut QK-p saqqummiuteqqaagaa.
2. Kommunit Esani A/S-illu akornanni ingerlatsinermut isumaqatigiissut.
3. Kommunit ataatsimoorussamik allakkiaat.
4. Sisimiuni saviminikut pillugit isumaqatigiissut atuuttoq

Imm.3.2 Misiliutitut suliniut, Kangerlussuarmi avatangiisinik torersaaneq eqqagassalerinermillu kommunip tigusinera

Journal nr. XX.XX.XX

Tunuliaqutaq

2023-mit Esa-ni A/S eqqagassanik nassiussisarnermut periusaanut ikaarsaanissamut Qeqqata Kommuniata Namminersorlutillu Oqartussat akornanni ikaarsaarluni aaqqiissuteqarnissap malitsigisaanik 2021 aasaneranit Kangerlussuarmi eqqagassanik silaannarmi ikuallaasarnernut unitsinissamut suliamik saqqummiussami matumani siullertut siunnersuutaavoq.

Qeqqata Kommuniata aamma Namminersorlutik Oqartussat akornanni misiliutitut suliuniummik pisortat ataatsimoorussaannik aallartitsinissaq pineqarpoq, 2021-mi aasaneraniit eqqagassanik ikuallassinnaasunik eqqagassanillu atoqqissinnaasunik nutaanik katersisoqartartussalluni, taamaalilluni Kangerlussuarmi siunissami eqqagassanik suliaqartarnermi pilersaarusiorsinnaanermut illuatungeriit aamma Esani A/S piffissap taassuma ingerlanerani ingerlaavartumik misilittakkanik katersisinnaallutik, aammalu Qeqqata Kommunian aamma Namminersorlutik Oqartussat Esanip ikuallaavissaa nutaaq ingerlalereerpat, taamanikkornissaanullu eqqagassanik Esani aningaasalersuisinnaanngornissaanut eqqagassanik suliaqartarnermik kommunip tigusisinnaanera pillugu isumaqatiginninniarnert ingerlaqqissinnaallutik. Misiliutitut suliniut ilutigalugu Kangerlussuarmi eqqaavissuit pioreersut torersarneqarnissaanut kajumissutsimut tigussaasumut avatangiisinik torersaaneqarnermut tunngatillugu suli Namminersorlutik Oqartussat akisussaaffigiinnassagaat siunnersuutigineqarpoq.

2002-mi januaarip aallaqqaataaniit Kangerlussuup Sisimiunut nuunneqarneranut atatillugu, kommunip nalinginnaasumik akisussaaffigisai amerlanerit Mittarfeqarfinit/Namminersornerullutik Oqartussanit kommunimut nuutsinneqarput. Tamatuma malitsigisaanik kommunip nalinginnaasumik akisusaaffeqarfiit Sisimiut Kommune-mut/Qeqqata Kommunianut nuutsinneqarput, kisiannili immikkoortumik ataatsimik suli amigateqartoqarpoq, tassalu avatangiisinut tunngasoq.

Qeqqata Kommuniata eqqagassalerinermut pilersaarutaa 2017-2020 2028 tungaanut atuussinnaasutut isigineqarsinnaasoq ullumikkut atuuttuuvoq. Tak. eqqagassalerinermut pilersaarummi imm. 10.1.1 Kalaallit Nunaanni Namminersorlutik Oqartussanik isumaqatiginninniarnereerup kingorna Kangerlussuarmi eqqagassanik suliaqartarnerup tiguneqarnissaa pillugu anguniagaq politikikkut akuerisaanikuuvoq, soorluttaaq Maniitsumut ikuallaavinnulluunniit allanut eqqagassanik nassiussisarallarnissaq pillugu aalajangiisoqarnikuusoq, Sisimiuni ikuallaavimmuut nutaamut assartuussinermik aaqqiissutissamik tamakkiisumik peqalernissaata tungaanut.

Qeqqata Kommunian 2020-mi avatangiisinut tunngasuni ingammik eqqagassanik suliaqartarnermi, suli silaannarmi ikuallaanermik pisoqarfiusumi nalinginnaalersitsinissaq pillugu Namminersorlutik Oqartussanik isumaqatiginninniarnernik aallartitseqqinnikuuvoq. Borgmesteri 2020-mi juunimi Avatangiisinut Naalakkersuisumik ataatsimeeqateqarpoq, tamatuma kingorna 2020-mi decembarimi allaffeqarfimmi ataatsimiittoqarluni. Decembarimi ataatsimiinnermi isumaqatigiissutigineqarpoq, Ineqarnermut Attaveqatigiinnermullu Naalakkersuisoqarfiup maannakkut eqqaavissuarmi torersaanissaq pillugu saqqummiissaasoq, illuatungaani Qeqqata Kommunian siunissami eqqagassanik suliaqarnissaq pillugu saqqumiissaqassalluni. Ilutigatillugu Qeqqata Kommunian innaneqarpoq Avatangiisinut aningaasaateqarfimmut 2021-mi februaarip aallaqqaataanut killeqartinneqartumut qinnuteqaqqullugu.

Nunaqarfik pillugu oqaluttuarisaaneq aammalu Qeqqata Kommuniata aamma Namminersorlutik Oqartussat akornanni Kangerlussuarmik suleqatigiissitaq immikkuullarissaq apeqqutaatinnagu, Qeqqata Kommunia kommunimi tamarmi eqqagassanik suliaqartarnermi katersisarnermik pilersaarummik suliaqarnikuvoq, aammalu eqqagassanik pilersaarummik atuuttuusumik politikikkikut akuersissuteqarnerup kingorna aammattaaq ilaatigut kommunit ataatsimoorussamik ikuallaavissaat Esani A/S pilersitseqataaffiginikuullugu, eqqagassanik ikuallassinnaasunik avatangiisitigut suliaqarnerup saniatigut eqqagassanik assartuinnermut isumaginnittussaasoq. Tamatuma sulinerup qulakkiissavaa, siunissami kommunit taamaallaat eqqagassanik katersisarnissaat taakkulu aqquserngup sinaanut inissillugit assartorneqarnissaanut piareerlugit, Esani-mik annertunerusumik isumaqatigiissuteqarnikkut eqqagassat suussutsit allat ilanngunneqarnissaanut periarfissaqartoq. Tamanna tunngavigalugu siusinnerusumiit nunqarfinni eqqagassanik suliaqarnermik tigusinermi takunnilluarnerulertoqarnissaa sulissutigineqarpoq. Aamma Kangerlussuarmut eqqaavissuarmut pioreersumut avatangiisitigut torersaanermut pisumut atuussinnaavoq, tassani Namminersorlutik Oqartussat containerinik nunakkut assartuilluni, eqqagassanillu umiarsuarmik imaatigut assartuinnermut eqqagassanut atortulersuumik nutaamik atuinnermik aallartitsilluni.

Avatangiisinut aningaasaateqarfimmumut qinnuteqaammik nutarsakkami ilanngunneqartumi, Kangerlussuarmi misiliummik suliniummut aningaasaqarnikkut aningaasaliisnissaq pillugu allaffeqarfiup Esani A/S aamma Nuummi Affaldscentret suleqatigaa, nunaqarfimmumut eqqagassanik aaqqiissummik nutaarluinnarmik misileraasoqartussalluni, siunissami ikuallaavimmi suliareqqitassanngorlugit nunakkut imaatigullu assartuisoqartussalluni. Misiliummik suliniummut atatillugu aammattaaq Namminersorlutik Oqartussat eqqaavissuaannik pioreersumik avatangiisitigut toressanissaq pillugu Namminersorlutik Oqartussanik suleqatigiittoqarnissaa suliniutaavoq.

Kangerlussuarmi eqqagassanik suliaqartarnermik kommunip tigusinissaa atortunik eqqaavimmillu nutaamik pinissaa naatsorsuutaavoq, taamaaliornikkut oqartussanit akuersissutigineqarnissaa siunertaralugu piaartumik pilersaarusiorneqalerluni. Aammattaaq naatsorsuutaavoq, Namminersorlutik Oqartussanik avatangiisitigut torersaaneq ingerlanneqartariaqartoq, eqqaavissuarmik pioreersumik Qeqqata Kommunia ingerlatitseqqissanngitsaq.

Maleruagassatigut tunngavissat

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq. Avatangiisinut Aningaasaateqarfik pillugu Inatsisartut inatsisaat nr. 9, 27. november 2018-imeersoq Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq

Pissutsit atuuttut

Kommunimut tamarmut pilersaarut pingaarneq, tak. eqqagassanut pilersaarut atuuttoq malitsigisaanillu kommunit ataatsimoorussami eqqagassanut selskabeat Esani A/S-imik pilersitsineq tassaavoq, nuna tamakkerlugu ikuallaavimmik sanaartorneq, illoqarfiit nunaqarfiillu sinneriniit peqqinnarnerusumik avatangiisitigullu eqqornerusumik suliarineqarnissaannut eqqagassanik assartuineq, aammalu ikuallaaviit ullutsinnut naleqqukkunnaartunik atuiunnaarneq, aammalu sumiiffinni eqqagassanik suliaqartarnerit sinneri nuna tamakkerlugu aaqqiissumut tulluarsarlugit. Naak Kangerlussuaq eqqagassanik suliaqartarneq pillugu ullumikkut kommunip avataaniikkaluortoq, kommunimit tiguneqarnermigut nuna tamakkerlugu eqqagassanik suliaqartarnermit ilaatinneqassaaq.

Taamaaliornikkut Esani aaqqiissutaanut ikaarsaannginnermut akuersissutigineqartussaasumut eqqagassanut maleruaqqusap nutaap kingorna, inoqarfik apeqqutaatinnagu siunissami sumiiffinni

eqqagassanik suliaqartarnek illuniit suliffeqarfinniillu eqqgasanik katersinermut killeqalissaaq, eqqagassanik ikuallassinnaasunik atoqqinneqarsinnaasunillu eqqagassanik nassiusassanut aqquserngup sinaanut ilisinermik, kiisalu eqqaavissuarmi eqqagassanut inissiigallartarfimmi inissiinermut. Naatsorsuutigisat malillugit Sisimiuni nuna tamakkerlugu ikuallaavik siulleg 2023-ip aallartinnerani-qiteqqunnerani ingerlalissaaq, tamatuma kingorna eqqagassalerinermut nuna tamakkerlugu selskabe Esani illoqarfinnit nunaqarfinnillu tamanit eqqagaassanik assartuussinermut isumaginnilertussaalluni. Taanna aamma sumiiffimmi eqqagassanik suliarinnittarnek kommunimit tiguneqassappat Kangerlussuarmut atuuppoq.

Eqqagassalerinermut pilersaarummi atuuttumit aamma Esani A/S-imit suliniutaasut pillugit nassuiaatit allattorluarsimanerusut Qeqqata Kommuniiani eqqagassanik suliaqarnermi atortunut pioreersunut katillugit 8,2 mio. koruuninik aningaasaliisoqarnissaanut pisariaqartitsineq pillugu suliami saqqummiussai allami nassiuarneqarput, taakku Esani A/S-imek kommunip ingerlatsinermut isumaqatigiissutaanut ikaarsaanermut atatillugu piffissami 2021-2024-mi piviusunngortitsinissamut pisariaqartinneqartut. Allatut oqaatigalugu, Kommunip maannakkut akisussaaffeqarfigisaanut attuumassuteqartuusut, Kangerlussuarmi misiliutitut suliniummut aningaasaliinissat pisariaqartut kommunillu eqqagassalerinermut suliaqartanera 8,2 mio. koruunit missingersuutit pisariaqartut qaavatigut inissinneqartariaqarput.

Esani ikuallaavissaata ingerlatilernissaata tungaanut Maniitsumi Nuummilu ikuallaavinnut pioreersunut nassiusinermut aqqiinerugallartumik, Kangerlussuarmi eqqakkanik suliaqartarnerup nutaamik periuseqarnissaani misiliutitut suliniut pillugu Kalaallit Nunaanni Namminersorlutik Oqartussat aamma Qeqqata Kommuniata akornanni suleqatigiinnissamut Kalaallit Nunaanni Namminersorlutik Oqartussat avatangiisinut aningaasaliissutaannut qinnuteqassasoq ilanngunneqarpoq.

Kangerlussuarmi eqqagassanik suliaqartarnermut tunngatillugu piffissap ingerlanerani allaffissornikkut politikikkullu suliniutit amerlapput, pissutsillu pingaarnerusut pillugit ataani oqaluttuarineqarput.

Qeqqata Kommuniata eqqagassalerinermut pilersaarutaanik 2017-2020 aamma Esani A/S peqatigalugu Kalaallit Nunaanni eqqagassanik suliaqartarnerup tamakkiisumik aqqiiffigineqarnissaanut periarfissanik suliniutit nutaanerpaat, inoqarfiit 70 missaaniittuniit sumiiffik taannaannaammat, Kangerlussuaq pillugu ataani tulleriaarneqartumi oqaluttuami annikitsuararsuuvoq. Suliniutip kingulliup illunit aallerfiusunit eqqakkanik igitsiviup tungaanut avatangiisinik eqqortumik eqqakkanik suliaqarnerup piviusunngortinneqarsinnaanera periarfissippaa, illoqarfimmit nunaqarfimmilluunniit sorlermit aaneqaraluarpataluunniit. Oqaluttuarisaanerli Kangerlussuarmut eqqakkanut pilersaarummi siunertami atuuttumut naatsorsuutigineqartumut pingaaruteqartuuvoq, sulilu eqqagassalerinermik suliaqartarnek kommunimit tiguneqartinnagu malinneqartariaqartoq.

Illoqarfinnit nunaqarfinniillu eqqakkanik Esani A/S kommunit ataasiakkaat suleqatigalugit poortueriaatsinik assigiinngitsunik nassiusueriaatsinillu assigiinngitsunik misileraanikuuvoq. Kangerlussuarmut attuumassuteqatigisaartumik misiliummik suliniummik suliniutitaatsimik pisariaqartitisoqartoq illuatungeriit isumaqatigiipput, sumiiffik innuttaasut eqqarsaatigalugit nunaqarfiit annersaannut ilaammat, aammalu ullumikkut nunarsuaq tamakkerlugu timmisartornermi Kalaallit Nunaannut isaaviummat aammalu takornarissanut attuumassutilinnik suliaqarfiummat. Nunaqarfiit innuttamikkut inuussutissarsiornikkullu pissutsitigut assigiittunut sinnerinut tunngatillugu nunqarfik allaanikuvoq, eqqagassanik pilersuineranut annertunerusumik sunniuteqarnerusussatut naatsorsuutigineqartoq. Taakkua saniatigut ukiuunerani kangerluup sikua pissutaalluni umiarsuakkut

angallannermut tunngasuni Kalaallit Nunaanni sumiiffinni Kangerlussuup inissisimanera avinngarussimanerit ilaanniilersippaa. Taamaattorli sumiiffimmi siunissami eqqagassalerinermi suliaqartarnissaq unammillernarnavianngitsoq nalilerneqarpoq, illuatungaartigut sumiiffiup namminerisamik isikkuanut siunissami eqqagassat ilusaannut tulluusaamissamut, eqqgassat angissusaat assigiinngitsut suuneri ilisimaneqarnissaanut pisariaqartitsinerusoqassalluni.

Soorlu naluneqanngitsoq 1992 tikillugu Kangerlussuaq siusinnerusukkut amerikamiut sakkutooqarfiginikuuaat, tamatuma kingorna sumiiffik Kalaallit Nunaanni Namminersornerullutik Oqartussanut tunniunneqarluni, nunaqarfimmik kommunip tigusinerata kingorna suli annertuumik inissisimaffeqartoq. 2002-mi januaarip aallaqqaataani Kangerlussuup Sisimiut Kommunianut nuutsinneqarneranut atatillugu, avatangiisinut tunngatillugu Namminersornerullutik Oqartussanit, Sisimiut Kommunianit, KANUKOKA-mit, Borgerråde-mit, Mittarfeqarfinit aamma Maniitsup kommunianit inuttaqartumit ataatsimoorussamik suleqatigiissitap paasivaa,

- ”1992-imi amerikamiut sakkutooqarfik imaarmassulli Kangerlussuarmi avatangiisitigut annertunerusumik suliniutinik ingerlatsisoqarnikuunngitsoq. Tamaaattumik ullumikkut immikkoortumi killiffik qanoq ittuunersoq paasissallugu pisariaqartinneqarpoq, taamaalluni Sisimiut kommune 2002-mi januaarip aallaqqaata sioqqullugu mingutsitsinernik pisimasinnaasunut akisussaatinneqassanani.
- ”Maannamut eqqagassalerinermi eqqakkat katersorneqarsimasut eqqaavissuarmi ikuallanneqartarlutik. Aaqqiineq tanna siunissami akuerineqarsinnaanngilaq, taamattumik Kalaallit Nunaanni eqqagassanik suliaqartarnermut pilersaarut 1996-imeersoq naapertorlugu, Kangerlussuarmi ikuallaavimmuut sanaartornermut aningaasaliissutinik qulakkeerinnittoqartariaqarpoq”
- ”Qullersaqarfiup nakkutilliinermik suliassani naammassisismassagaa, qulaani pineqartut pillugit qullersaqarfiup aamma Sisimiut Kommune akornanni isumaqatigissusiortoqarsimanissaa naatsorsuutigalugu, immikkoortoq 2002-mi januaarip aallaqqaataani kommunimut tunniunneqarpoq.

Aningaasaqarnermut inatsimmi Kangerlussuarmi ikuallaavimmuut sanaartornermut missingersuutini piffissap ingerlanerani aningaasanik immikkoortitsisoqarnikuunngilaq, taamaattumik immikkoortumik kommunimut tunniussineq pillugu isumaqatigiittoqarnikuunani. Ataatsimut isumaqarnikuuvoq, Mittarfeqarfiit eqqagassanik suliaqarnermik silaannarmilu ikuallaanermik suli suliarinnittarluni. Aamma ikuallaaveeqqanik taamanikkut maannakkullu avatangiisitigut piumasaqaatit malillugit eqqakkanik ikuallaasinnaasumik peqartoqanngilaq.

Namminersorlutik Oqartussat eqqagassalerinermut tunngasunut immikkoortortaqaarfia nunaannarmi ikuallaasarneq 2014/15-imi eqqatorpaa aammalu Qaqortoq, Ilulissat, Kulusuk, Tasiilaq, Narsaq aamma Sisimiut ilanngullugit sumiiffittut Kangerlussuaq taallugu, tassani eqqagassalerinermik torersaanermi pitsannorsaanerlu innuttaasunut takornarissanullu iluaqutaanavianngitsoq.

Taamaattumik Kangerlussuarmi eqqagassanik suliaqartarnerup misissuiffigineqarnissaanut pitsannorsarneqarnissaanullu Namminersorlutik Oqartussat 2014-imi 2 mio. koruuninik immikkoortitsivoq. Aningaasat ilaatigut Siunnersortimit nalunaarutinik marlunnik suliaqarnermut atorneqarput. Immikkoortoq 1 eqqaavissuarmi pioreersumi torersaaneq pillugu aammalu immikkoortoq 2 Kangerlussuarmi siunissami eqqagasanik suliaqartarneq pillugu. Ikuallaavimik sanaartorneq imaluunniit assartuussinermik aaqqiineq toqqarneqaraluarpataluunniit apeqqutaatinnagu sanaartornermut aningaasartuutit immikkoortoq 1-imi 3,5 mio. koruuninut aammalu immikkoortoq 2-mi 18-35 mio. koruuninut aningaasartaqarnissaat nalilerneqarpoq kiisalu naggorissaatinngortitsisinnaasumik atortulersuummik ataatsimoortinneqassallutik. Malitsigisaanik suliariumannittussarsiuussinerup takutippaa, immikkoortup 1-ip eqqaavissuullu torersarneqarnissaata ingerlanneqarnissaa taamaallaat

3,5 mio. koruuninik akeqarnaviannngitsoq kisianni 12 mio. koruuningajalluinnarnik akeqassasoq. Suliariumannittussarsiuussineq taamaatiinnarneqarpoq, aammalu maannakkut aaqqiissutissamik nassaartoqannngitsoorpoq.

Namminersorlutit Oqartussani aamma Qeqqata Kommuniati Kangerlussuarmik suleqatigissitamit suliamik aallartitsinermi 2020-mi decembarimi ataatsimiinnermi aalajangiunneqarpoq:

1. 2014-imi decembarimeersaq (immikkoortoq 2) siunissami eqqagassanik suliaqartarnissamut titartakkat pillugi nalunaarusiassatut Siunnersortip siunnersuutaa Qeqqata Kommuniata nutartissagaa.
2. 2014-imi novembarimeersaq (immikkoortoq 1) torersaanissaq pillugu nalunaarusiassatut Siunnersortip siunnersuutaanik Ineqarnermut Attaveqatigiinnermullu Naalackersuisoqarfik suliamik nangitsivoq, kiisalu missliutaasumik nutarsaalluni piukkunnarsaalluni. Pilersaarut eqqarsaatigalugu ataasinngorneq 15/03/2021 killiliunneqarpoq.
3. Ineqarnermut Attaveqatigiinnermullu Naalackersuisoqarfik Naalackersuisunut saqqummiussassamik suliaqassaaq. Iisimatusarnermut Avatangiisinullu Naalackersuisoqarfik saqqummiussamut ilassuteqassaaq aammalu saqqumiussassamut atsioqataasinnaalluni. Pilersaarut eqqarsaatigalugu ataasinngorneq 15/03/2021 killiliunneqarpoq.

Soorlutaaq imaqarniliami takuneqarsinnaasoq, Iisimatusarnermut Avatangiisinullu Naalackersuisoqarfiup paasissutissiissutigivaa "2021-mi februaarip aallaqqaataa tikillugu Avatangiisinut aningaasaaateqarfik aqputigalugu tapiissutissat pillugit qinnuteqartoqarsinnaavoq". Qinnuteqaammi pisiaqartitamik nassuiaataatigut atortussat pisariaqartut ilaatinneqarsinnaapput, kingusinnerusukkut politikkikkut suliarisassanngorlugit akuersissutigisassanngorlugillu innersuunneqarsinnaasut".

Kommunit ataatsimoorullugu suleqatigiinnerannut atatillugu nuna tamakkerlugu eqqagassalerinermut pilersaarutit sukkasuumik ineriartornerannut tunngatillugu naatsorsuutigisat ullulerneqannngitsut qulaaniittut apeqqutaatinngit. Malitsigisaanik pilersaarutinut kommunit naatsorsuutiginiikuussat siunnersortillu nalunaarusiaat nutaannngitsut tulluarunnaarput. Namminersorlutik Oqartussat avatangiisinut aningaasaliissutaannut qinnuteqaammut iluarsiiussummut atatillugu, Qeqqata Kommuniata aamma Esani akornanni pilersaarutit kingullerpaat maluginiaqquneqarnikuupput, tassani misiliutitut suliniutip naammassineqarnissaanut tunngatillugu pisarialimmik ataqatigiissaarisooqassalluni.

Taassuma ingerlanneqarnerata saniatigut allaffeqarfik, kommunit sinneri aamma Esani assartuussinermut periutsimik misileranikuupput, nunaqarfinit illoqarfiniillu eqqakkanik assartuussinermik misiliutitut suliniutit arlallit iluatsilluarnikuullutik, tassanittaaq eqqagassanik assartuussinermik periutsit assigiinngitsut misilerarneqarlutik. Esani aamma Qeqqata Kommuniata maannakkut tikkuarppaa, ilanngussaq 1-imi misiliutitut suliniut ilanngussaq aqputigalugu 2021 aasaaneraniit Kangerlussuarmut tunngatillugu eqqakkanik assartuussinermik periutsinik misilittaanissamut tulluarsaanissamullu misiliutitut suliniummik suliaqartoqassasoq, aammalu ilutigitillugu Namminersorlutik Oqartussanit/Miittarfeqarfinit ingerlanneqartunik Kangerlussuarmi eqqavissuarnut pioreersunut Namminersorlutik Oqartussat avatangiisitigut torersaanissamut suliniutissaannut aqputissiussisoqarluni. Suliniutilli taassuma avatangiisitigut aningaasaaateqarfik 75 procentimik, kiisalu immikkut aningaasaliissutitut Qeqqata Kommuniati kingulliit 25 procentit matussusisagaat pisariaqartippaa.

Atuilluartuunissakkut kingunerisinnaasai

Qeqqata Kommuniata eqqagassalerinermut pilersaarutaa tullinnguuttutigut periuseqarluni suliaavoq:

1. Inuiaqatigiit peqqissusaat.
2. Avatangiisinik illersuineq.

3. Akisussaaneq aningaasaqarnikkullu akilersinnaassuseq.
4. Angerlarsimaffinnit eqqakkanik, peqqinnissamut avatangiisinullu ajoqutaanngitsumut ikuallaavimmumt assartuineq.

Siunissami ikuallaaviit pillugit nuna tamakkerlugu suleqatigiinnermi aammattaq periutsit taakkoqqissaat ukkatarineqarput, soorluttaq periutsinut taakkununga Naminersorlutik Oqartussat avatangiisinut aningaasaateqarfiannit akileeqaataasoqarnissaanik kissaammi misiliutitut suliniummi qinnuteqaataasut eqqarsaatigineqarnikuusut.

Periuseq kingulleq periutsinut siullernut pingasunut mianerinnittumik ilanngussaavoq, aammalu periussiaalluni, ikuallaavinnik nutaanik aamma sinerissamiit ikuallaavinnut nutaanut eqqakkanik nassiussisarnermik kommunit ataatsimoorussamik suleqatigiinnerannut tunngatillugu piviusunngortinneqariartuaartoq.

Kangerlussuarmi eqqagassanik suliaqartarnej ullumikkut kommunimit ingerlanneqanngitsoq, annertoorsuarnik nukissanik atuinngikkaluarluni siunissami kommunit aaqqiissutissaannut ikaarsaartinneqarsinnaavoq.

Aningaasaqarnikkut allaffissornikkullu kingunerisinaasai

Avatangiisinut aningaasaateqarfiup kommunit suliniutaa 75 procent tikillugu tapersorsorpaa, tamatumalu kommunit 25 procent tikillugu nammineq akiluteqartarnissaanik inernejarpoq. Kommunit missingersutaanni uunga aningaasanik immikkoortitsisoqarnikuunngilaq, taamaattumik immikkut aningaasaliisoqarnissaa pisariaqarpoq.

Misiliutitut suliniummut missingersuutit aningaasartuuteqarfinnut aataasiakkaanut tamanut nassuiaatitalerlugit, aammalu 2021-mut 2022-mullu aggutaarinermik eqitsimmi ataaniittumi takuneqarsinnaapput:

Sumiiffik	Aningaasartuutit	2021-mut missingersuutit	Miss 2022	Oqaaseqaat
Kangerlussuaq	Eqqaavissuarmik eqqagassanillu suliaqartarnermik nutaanik pilersaaruserneq	300.000		
Kangerlussuaq	Ungalulernera ilanngullugu eqqaavissuarmik, eqqagassanut toqqorsivimmik pilersitsineq		1.000.000	Eqqaavilerisut biiliata containerinut imaarsisarneranut majorallak ilanngullugu.
Kangerlussuaq	Eqqagassanut ikuallassinnaanngitsunut eqqagassanik immikkoortiterisarnernut tamalaanut aningaasaliinerit		250.000	Illoqarfimmi Puujaasanut, qillertuusanut, nerisakunik eqqagassanut igitsiviit.

**Teknikkeqarnermut ataatsimiititaliap marts-ip 4-ni 2021 ileqqusumik ataatsimiinnerani imaqarniliaq
02/2021**

Kangerlussuaq	Eqqakkanik ikuallassinnaasunik paarinninnnermut nassiussinissamullu containerit	3.200.000		Containerit katillugit 80-t Sumiiffik immikkut pissuseqarnera inissisimaneralu pissutigalugit Kangerlussuarmit containerit qassit (illoqartittut naatsorsorneqarunik amerlanerpaamik containerit 80-t) atorfissaqartinneqarners ut nalorninartoqarpq. Containerit sinnerussinnaasut aallaqqaammut eqqaavissuarmit pioreersumit eqqakkanik nutaangitsunik nassiussinissamut atorneqaaqqaarput, tamatumalu kingorna Maniitsumut containerinik 38-nik pisariaqartitsisuusumut nassiunneqarlutik.
Kangerlussuaq	Neriniartarfinit nerisakunik eqqakkanut issoraanissamut majorallammik assaavimmik pilersitsineq		200.000	Illoqarfimmit naammattumik ungasissusilerlugu - soorlu assersuutigalugu maannakkut eqqaavissuup qanittuani inissisimassaaq Kommunip eqqaavissuaqarfissaata nutaap inissisimaffissaa apeqqutaajumaarpoq.
Kangerlussuaq	Imaatigut assartuineq aamma ukiuni misiliutaasumik suliniarfiusumi aalleqqittarneq.	100.000	100.000	Sisimiuniit containerit poortuinerimullu atortut pisiat, sikuerpat nunaqarfimmut tikissinnaapput. Ukiaanerani sikoqqinnginnerani aalleqqittassaaq,

**Teknikkeqarnermut ataatsimiititaliap marts-ip 4-ni 2021 ileqqusumik ataatsimiinnerani imaqqarniliaq
02/2021**

				aammalu containerit <ul style="list-style-type: none">ulikkaarsimasut aallugitaammalu containerinik taartissanikaggiussilluni.Ikuallaavik nutaaq ingerlalerpat,aallertarneqakeqqassanngilaq.
Kangerlussuaq	Kangerlssuarmi aamma sumiffimmi tiguisussami, ukiumi misiliutitut suliniuteqarfiusumi nunakkut assartuineq aalleqqittarnerlu.	80.000	160.000	Kommunip tiguisinnaaneranut ikaarsaanermi kommunip aamma suliffeqarfiup eqqagassalerisuusussap akornanni aningaasartuutit isumaqatigiissutip ilagissavai, aammalu appariartorumaartut naatsorsuutaalluni.
Kangerlussuaq	Eqqaavilerisut biiliat naqiterutitalik imaluunniit eqqagassanut biili naqiterutitaqanngits oq.		1.500.000	Oqimaassusissap killissaa 7 tons qaangerneqannginnias sammat, containerinik eqqaavilerisut biiliinik naqiterutitalit assinganik immiilluni Nuuk affaldcenterimi oqimaassutsimik misileraasoqarpoq. 7 ton ikke bliver overskredet. Lastbilimik pisinissaq aatsaat Qeqqata pisiarissappagu atuuppoq. Periarfissaavoq illuatungerisaq suliarinnittoq kommunimut ingerlatsinikkut aningaasartuutinik qaffasinnerulersitsilluni tassunga aningaasaliisinnaavoq. Lastimiit containerinut

**Teknikkeqarnermut ataatsimiititaliap marts-ip 4-ni 2021 ileqqusumik ataatsimiinnerani imaqarniliaq
02/2021**

				eqqakkanik kuisisarneq ajornaannerussammat lastibilimik nalinginnaassumik pisinissaq salliuinneqarpoq, aammalu pisinissaq aamma ingerlatsinermi aningaasartuutit akikinnerussammata.
Katillugit	Kangerlussuaq	3.680.000	3.210.000	Kangerlussuarmut misiliummik suliniummut aningaasartuutit tamakkiisut.
Avatangiisinut Aningaasaateqarfi mmit Tapiissutit katillugit	Kangerlussuaq	2.760.000	2.407.500	Namminersorlutik Oqartussat avatangiisinut aningaasaliissutaatigu t 75 prc-mik aningaasaliinikkut.
Kommunip aningaasaliissutiss ai katillugit	Kangerlussuaq	920.000	802.500	Immikkut aningaasaliissutitut qinnuteqaataassaaq.

Misiliutitut suliniummut missingersuutitut eqitsit qulaatungaaniittoq innersuussutigalugu, 2021-mi kommunip akileeqataassutissaa 920.000 koruuniuvoq, 2022-mi 803.000 koruuniulluni, matumuunakkut atuiffimmu "Kangerlussuarmi misiliutitut sulinut"-itut immikkut aningaasaliiffigineqarnissaanik qinnuteqaatigineqartoq, politikkikkut aningaasaliiffigineqarneratigut allaffeqarfiup pilersitassaa, aammalu Kalaallit Nunaanni Namminersorlutik Oqartussanit katillugit 5,17 mio. koruuninik 75 prc.-mik qulaaniittutuut inissinneqarfigisassaat.

Misiliutitut suliniummut naatsorsuutaasoq tassaavoq, Kangerlussuarmi eqqagassanik suliarinnittarnermut maannakkut akisussaasuusut, Namminersorlutik Oqartussat aamma Mittarfeqarfiit, kommunip tiguisinnaanerata tungaanut ingerlatsinermut ingerlatsisuuginnarnissaat. Misiliutitut suliniut ingerlatsinermut suliaqarnerulernissamik kinguneqarnissaa naatsorsuutigineqanngilaq, nukissat taakku atorlugit maannakkut suliaassat sulianik allannguinnissaq kisimi pineqarmat.

Siunissami kommunip eqqagassalerinermit suliaqartarnera kommunimut eqqagassanut ileqqoreqqusakkut nutaakkut, eqqagassanik tiguisarnermut Esani A/S piumasaqaataanut tulluarsagaasussakkut pissaq, Ilutigitillugu suliffeqarfiit kommunillu nammineq ilanngullugit eqqakkanik tunisassortut akornanni sulinerup artornasusissaata aggutaarnissaanut kommuni nammineerluni periarfissaqarpoq. Inuussutissarsiuteqartut aamma kommunip eqqagassanik suliarineqartarnerata akornanni artornassusaanut agguataarineq apeqqutaatinnagu, kommunip qulakkiissallugu suliaasarivaa, Esani-p tigooraanermut piumasaqaatissai malillugit eqqakkanik Esani-mut tunniussisoqartarnissaa.

Qulaaniittut pissutaallutik, misiliutitut suliniummit paasissutissat aamma eqqagassalerinermut ileqqoreqqusaq pigineqarlerpat, eqqagassanik suliaqartarnermik kommunip tiguinnerani ingerlatsinermut missingersuutunik aatsaat takkussisinnaaneq periarfissaalissaaq. Maannakkumuugallartorli naliliineruvoq, Mittarfeqarfiit aamma Qeqqata Kommunian isumaqatigiissusiortariaqartut, suliaassap annertussusissaa kommunimut annikippallaassasoq nalilerneqarmat. Misiliutitut suliniut naammassippat, illuatungeriinnut ingerlariaqqinnissaaq ajornannginnerulissaaq.

Allaffeqarfiup naliliinera

Allaffeqarfiup nalilerpaa, Kangerlussuarmi silaannarmi ikuallaasarneq sapinngisamik piaartumik atorunnaarsinneqarnissaa aalajangiisuusoq, taamaalilluni innuttaasut peqqissusaat aamma takornariaqarnermut ineriartortitsineq pitsaasumik atugassaqaassalluni. Tamanna Kalaallit Nunaanni Namminersorlutik Oqartussat aamma Qeqqata Kommunianit misiliutitut suliniummut aningaasaliinikkut 2021-mi aasaaneraniit qulakkeerneqarsinnaalissaaq.

Allaffeqarfiup nalilerpaa, Kangerlussuarmi avatangiisinik imikkoortunik eqqagassanillu suliarinnittarnerup nalinginnaasunngorsarneqarnissaa pillugu Namminersorlutik Oqartussat Kommunillu akornanni ataatsimoortumik isumaqatigiissut, Esani A/S-imik nuna tamakkerlugu eqqagassanik suliarinnittarnermut ikaarsaarnerup nalaani isumaqatigiisstigineqassasoq aammalu imaqartinneqassalluni, eqqaavissuup pioreersup torersarneqarnissaanik aammalu misiliutitut suliniummik aamma siunissami eqqagassat isikkussaannik pilersitsisoqarneratigut periarfissat malitsigissaanik Namminersorlutik Oqartussanit eqqagassanik suliaqarnermut immikkoortoq atorunnaarsikkiartorneqassasoq.

Kangerlussuarmi kommuni eqqagassanik suliaqarsinnaaneratigut, eqqagassanik tigooraasarnermut inissamut nutaanut oqartussanit suliniummik suliaqartoqarnissaa pisariaqartinneqarpoq, assartuussisarneq eqqarsaatigalugu umiarsualivimmit eqqakkank umiarsuakkoortitsisarmissamut pilersaarutunik imminut atasinnaasoq. Annertunerusumik atuarusuttoqassappat, takuuk ilanngussaaq 1 misiliummik suliniut pillugu qinnuteqaammut innersuussisoqarpoq, tassani ilaatigut ikuallaavinnut pioreersunut nutaanllu suliareqqitassanngorlugit nassiuqqarneqarninnerini, Kangerlussuarmi eqakkanik suliaqartarneq containerinik aallaaveqartumut, pitsaanagerusumut sumiiffimmilu eqaannerusumi pilersaarutini nassuarneqartut.

Innersuussut

Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigineqarpoq,

Kommunalbestyrelsi sinnerlugu allaffeqarfik Kalaallit Nunaanni Namminersorlutik Oqartussanut aamma Mittarfeqarfinnut silaannarmi ikuallaasarneq piaartumi unitsinneqarnissaa pillugu saaffiginnissuteqassasoq, paarlattuarnillu misiliutitut suliniutitut ittumi suleqatigiissinnaaneq pillugu kommunip assamminik isaassineranut innersuussisoqarluni, taamaalilluni Kalaallit Nunaanni Namminersorlutik Oqartussaniit aamma Mittarfeqarfinniit 2021 aasaanerani Kangerlussuarmiit eqqagassanik nassiuussisarmissami siunertalimmik eqqagassanik katersuutsisarneq aallartisarneqariissalluni.

Namminersorlutik Oqartussat ataanni Avatangiisinut aningaasaateqarfik 2021-mi 2,8 mio. koruuninik aammalu 2022-mi 2,4 mio. koruuninik tunniussaqaarsinnaaneranut akuerineqarnissaaq naatsorsuutigalugu, Kangerlussuarmi eqqagassanik suliaqartarneq pillugu misiliutitut suliniummi kommunip

aningsaliissutissaatut 2021-mi 0,92 mio. koruuninik 2022-milu 0,81 mio. koruuninik immikkut aningsaliissuteqartoqassasoq. Allaffeqarfik sanaartornermut atuiffimmik nutaamik taaguutilimmik "Kangerlussuarmi eqqagassanik suliaqartarnermi misiliutitut suliniut" pilersitsissaaq.

Avatangiisinut aningaasaateqarfiup misiliutitut suliniummut aningaaliissuteqarnissaa naatsorsuutigalugu, Kangerlussuarmi misiliutitut suliniummut aamma Namminersorlutik Oqartussat namminneq avatangiisitigut torersaanissaannut atugassanngorlugu poortuinnermut atortoq pioreersoq Sisimiuniit Qeqqata Kommuniata atugassanngortissagaa.

Misiliummik suliniutip ataatsimut malitsigisaanik eqqagassanik suliaqartarnermik kommunip tiguisinnaanera pillugu Qeqqata Kommuniata Kalaallit Nunaannilu Namminersorlutik Oqartussat akornanni isumaqatiginninniarnert aallarteqqinneqassasut, kingusinnerpaamillu 2022-mi aasakkut. Taamaalilluni misiliutitut suliniummiittut siunissami kommunip eqqagassanik suliaqartarnissaanut eqaatsumik ikaarsaartoqarsinnaalluni.

Misiliutitut suliniummit inernernut, siunissami kommunimut tamarmut eqqagassalerinnermut ileqqoreqqusamut, kiisalu Kangerlussuarmi suliaqartarnermi pissutsinut atasussamik, kommunip tiguisinerani ingerlatsinermi missingersuutini missiliuutinik allaffeqarfik ingerlatseqqissasoq

Aalajangiineq

Innersuussutigineqartoq akuerineqarpoq

Ilanngussat

1. Namminersorlutik Oqartussat Avatangiisinut aningaaliissutaannut 2021-mut qinnuteqaat misiliutitut suliniut nutartigaq.
2. Qeqqata Kommuniata Eqqagassalerinnermi pilersaarut 2017-2020.

Imm.3.3 Maniitsumi Sisimiunilu Teknikkimut, Pilersuineranut Sanaartornermullu 2020-mut ukiumut NALUNAARUSIAAGALLARTOQ.

J.nr.: 06.01.02

Soorlu nalunaarutip siuliani soorlu taamak pisoqarnikuusoq, ERP systemi suli iluatsivinngilaq, taamaattumik immikkoortut normuisa ilaannut missingersuutit allanneqangillat. Taamaattorli missingersuut tamarmiusoq naatsorsorneqarnikuulluni. Nalunaarutip matuma suliarineqarnerata nalaani 25.2.2021 tikillugu naaneritut atuiffilersuilluni atuineq naatsorsorneqarnikuuvoq. 2020-mi ukiumut naatsorsuutini ikisinissat kingulliit suli suliarineqangimmata naatsorsuutillu matuneqareerlutik, 2020-mi ukiumi naatsorsuutini inaarutaasuni aningaasanik minnerusumik iluarsisuteqartoqartarsinnaavoq.

Tai-man suli nalunaarusiornissamut isersinnaangimmat, nalunaarusiaq una ataatsimoorussamik suliarineqarpoq. Tamatuma saniatigut sanaartornermut suliniutinut nutaamik nalunaarusiortariaaseqalernissaq pilersaarutaavoq, tamannali qaqugu atuutilersinneqassanersoq maannakkut ilisimaneqangilaq.

Nalunaarusiamut tunngatillugu eqqaavilerineranut, nunaminertanik atugassiineranut akiligassiissutit assigiinngitsut, eqqakkanut, ungasiaanit kiassarnermut il.il. siumoortuupput, ukiumullu nalunaarusionermut atatillugu kisitsisit eqqortut ataatsimut isigalugu aatsaat pissarsiarineqassapput.

Sumiiffinnut marluusunut ERP-mut ikaarsaanermit, qarasaasiakkut nuutsitsissut kukkunernik imaqarsimammata aammalu akiliinissaq eqqarsaatigalugu akiligassiissutit annertuut tuaviortumik suliarineqarnikuusimammata, ukiup ingerlanerani nalunaarsuinissamik pisariaqartitsisunik kukkulluni nalunaarsuisoqarsinnaanera naatsorsuutigineqartarsinnaassasoq ataatsimut atuuppoq.

Teknikkeqarnermut ataatsimiititaliami ataatsimoorussamik ingerlatsineq	2020-mut missingersuut	Piffissami atuineq katillugu	Naleqqiuss illuni Atuineq %- inngorlugu	Atuineq sinnerut toq %- inngorlugu
561010000 SIS Teknikkeqarneq Avatangiisillu Stab	6.431.000,00	6.545.549,76	101,8	-1,78
562040100 SIS Kalaalimineerniarfik - Qimatulivik		-2.933.296,06		
562040200 SIS Entreprenøreqarfik		931.805,70		
562040300 SIS Ikuallaavik	1.446.000,00	4.310.850,41	298,1	-198,12
562040400 SIS Upalungaarsimaneq Qatserisartoqarfik	6.323.850,00	7.292.754,08	115,3	-15,32
562040500 SIS Nunaminertamik atugassiineq		-8.958.994,69		
562040600 SIS Sanaartornermut immikkoortortaq	231.789.400,00	65.062.018,56	28,1	71,93
562040700 SIS Eqqagassalerineq/anartarfilerineq	-741.000,00	327.730,33	-44,2	144,23
562040800 SIS TEKNIKKIKKUT Ingerlatsineq	23.601.000,00	26.477.625,42	112,2	-12,19
563010000 MAN Teknikkeqarneq Avatangiisillu Stab	3.300.000,00	3.258.736,85	98,7	1,25

**Teknikkeqarnermut ataatsimiititaliap marts-ip 4-ni 2021 ileqquusumik ataatsimiinnerani imaqqarniliaq
02/2021**

563030100 MAN Kalaalimineerniarfik		-1.247.534,17		
563030200 MAN Entreprenøreqarfik		917.843,10		
563030300 MAN Ikuallaavik	2.324.000,00	2.069.164,01	89,0	10,97
563030400 MAN Upalungaarsimaneq Qatserisartoqarfik	3.625.000,00	3.576.205,94	98,7	1,35
563030500 MAN Nunaminertamik atugassiineq		6.554,46		
563030600 MAN Sanaartornermut immikkoortortaq	108.702.820,00	22.626.165,23	20,8	79,19
563030700 MAN Eqqagassalerineq/anartarfilerineq	415.000,00	-344.124,83	-82,9	182,92
563030800 MAN TEKNIKKIKKUT Ingerlatsineq	13.963.647,00	20.000.147,21	143,2	-43,23
Kisitsisit pingaarnertit	401.180.717,00	149.919.201,31	37,4	62,63

Teknikkimut tunngasut: Sisimiut

Missingersuutit pingaarnertut naleqqupput, immikkoortortanili ataasiakkaani missingersuutit suli inissinneqanngillat. Tamanna Sisimiunut Maniitsumullu atuuppoq.

562040100 SIS Kalaalimineerniarfik - Qimatulivik

Kalaalimineerniarfimmu missingersuutit systemimut nutaamut suli ikkunneqanngillat.

Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikippallaarnissaanik takussutissaqanngilaq.

Ilanngussaq 1-imili kalaalimineerniarfiit ”tuniniaaviit”-tut allanneqarsimasut takuneqarsinnaapput, taakkulu SIS Ingerlatsineq teknikkikkut immikkoortortaanut missingersuuteqarlutik, tamannalu siuliani allassimasumut nassuiaataalluni.

562040200 SIS Entreprenøreqarfik

Immikkoortortaqarfik Entreprenøreqarfiup iluani asfalterineq, qimmiliviit, iliveqarfik, majuartateqarfik kiisalu qamutit motoorillit inissisimapput. Ilanngussaq 1 innersuussutigalugu, immikkoortortat SIS Entreprenøreqarfik SIS TEKNIKKIKKUT Ingerlatsivik assigiinngitsunik missingersuuteqarlutik assigiimmik ”siunertamut taaguuteqartut”-nik imaqqarput.

Immikkoortortanut missingersuutit immikkoortortanut arlalinnut inissinneqaratik, ataatsimut inissitsiterlugit piaartumik aqqiivigineqarnissaat ingerlanneqartariaqarput. Soorlu takuneqarsinnaasoq entreprenøreqarfimmu missingersuutinik pilersitsisoqarnikuunngilaq.

562040300 SIS Ikuallaavik

Ikuallaavimmu atatillugu, eqqagassanut akiliutitigut avataaniillu kissamik tunisinermit 6.45 mio. koruunit missaanik isertitaqarnissaq naatsorsuutigineqarpoq. Ukiut siuliini misilittakkat atuinermi procentit annertuumik nikerarneri takutippaat. Ikuallaavimmit Nukissiorfiit avataanit kissamik tunisinissamut atatillugu ikuallaavimmit anguniagaq anguneqarsinnaanngitsoq naatsorsuutigineqarpoq - ukiuni kingullerni missingersuutit 75 %-it missaani inissisimanikuulluni.

Aningaasaqarnermut systemimi nutaami isertitat eqqortumik inissinneqarsimanersut ilisimaneqanngilaq. Kisitsisini 2020-mit qaammatinut marlunnut ungasiaanit kissamik tunisinermit isertitat suli amigaataapput. Tassunga illumi maskinanilu annertuumik aserfallatsaaliisoqarnissaanut pisariaqartitsisoqarnikuuvoq.

27

562040400 SIS Upalungaarsimaneq Qatserisartoqarfik

SIS Qatserisartoqarfik 2019-imi 49-nikuullutik 2018-milu 46-nikuullutik 2020-mi 68-eriarluni appittoornikuuvoq. Appittoornerit amerlassusaani malunnaatilimmik qaffariarneq.

Qeqqata Kommuniiani upalungaarsimasusaatitaasut (RB) inunnik amerlasuunik ilinniartitsinikuupput, makkuninnga:

- Indsatsleder Beredskabsfaglig del (1), Psykisk Førstehjælpsinstruktør (2), Grunduddannelse Indsats (12), Funktionsuddannelse Indsats (11) Holdleder Fælles del (2), Holdleder (1), Indsatsleder Fly (1), Brandteknisk Grunduddannelse (1)

Qaammammusianut missingersuutit amerlassusiliinermut suli aqqinneqanngillat, taassumalu saniatigut 2019-imi pinngortitap ikuallanneranut atatillugu qaangiilluni sulinerit suli sunniuteqaqataallutik.

Kingumoortumik qaammammusialinnut missingersuutit oqarasuaatinut nakkutilliisuunermut tapisianut aammalu appittoornerit amerlassusaasa qaffanneranut akissarsianut isumaqatigiissutini pisusaaffinnik sunnerneqaqqapput.

Kangerlussuarmi annaassiniarnermut upalungaarsimasuuneq pillugu sullissinermut isumaqatigiissut isumaqatiginninniutigineqaqqippoq. Nammineq kajumissutsiminnik qatserisartut tamarmik kommunimi nammineq kajumissutsimik qatserinermik aamma annaassiniarnermut sulisutut nuutsinneqarnikuupput.

Qeqqata Kommuniata Qatserisartut Kangerlussuarmi nammineq kajumissutsiminnik qatserisartunik ilinniartitsisarneq tiginuuvaa ammalu maannakkut ilinniartitsinerup kivinneqarnera malugineqarsinnaangoreernikuuvoq.

Kommunimi tamarmi RB pinngortitam qatserisarnermi atortunut aammalu SIS-imi sungiusartarfiup nuunneqarneranut, QK-mi RB-mi qatserinermik annaassiniarnermillu ilinniartitsinernut qituisoq, immikkut aningaasaliiffigineqarnikuuvoq.

562040500 SIS Nunaminertamik atugassiineq

Immikkoortortaq SIS Nunaminertamik atugassiineq siusinnerusukkut ingerlatsivimmi atuiffik 2-p iluani atuiffimmi inissisimanikuuvoq. Akiliutinit, containerinik attartornerit umiatsianillu inissiivinnit isertitat, immikkoortortap iluanut inissinneqartussatut atuupput. Nunaminertamik atugassiinerit, containerinut inissiivissanik attartortitat kiisalu umiatsianut inissiivinnik attartornerit amerlassusaat atuinermut apequtaasarput.

562040700 SIS Eqqagassalerineq/anartarfilerineq

Eqqaavilerineq namminersortunut sulariumannittussarsiorneqarnikuuvoq. Suliassamut akiliineq atuiffimmit tassannga pisarpoq kiisalu innuttaasunit suliffeqarfinniillu, kommunip imaartittarnermut aqqissuussaanut ilanngunneqarsimasunit isertitat ilanngullugit. 2019-imi decembarip 31-ani entreprenørinik eqqagassanik anartarfinnillu imaarsisarnermut nutaamik isumaqatigiissuteqartoqarpoq, missingersuutitigullu iluarsisuteqartoqarearluni. Aningaasartuutit isertitallu akornanni missingersuutitigut oqimaqatigiittoqarnissaa naatsorsuutigineqarpoq. Eqqagassalerinermut anartarfilerinermullu imaarsisarnermut ingerlatsisumut akiligassat anillatsinneqartartut akilerneqartarneri nikingasuupput, taamaattumillu atuinemik eqqunngitsumik takussutissiisararluni.

562040800 SIS TEKNIKKIKKUT Ingerlatsineq

562040200 SIS Entreprenøreqarfiup iluani allaaserineqartut innersuussutigalugit, immikkoortortat marluusut SIS Teknikkikkut Ingerlatsineq aamma SIS Entreprenøreqarfik arlalitsigut assingussuteqarput. Taakku siusinnerusukkut Winformatik-imi atuiffik 2 – TEKNIK iluani ataatsimoortinneqarnikuupput.

Ukiut sisamararterutaani siullermi aputaajaanermut pingaarnertut atuuppoq. Ukiut siuliinut sanilliullugu ukiup sisamararterutaani siullermi annertunerusumik apisimanagera patsisaalluni, missingersuutaasunit aputaajaanermut aputinillu katersanik assartuinerumut aningaasartuutit annertunerupput.

Ukiup sisamararterutaata sisamassaanni aputinik katersanik assartuisarnerumut piumasaqaatinik annertunerusunik takkuttoqarnikuuvoq taamaattumillu missingersuutaasuniit atuisoqarnerunikuulluni. Allatseqarfiup ataani Teknikkikkut Ingerlatsinerum akissarsiani nuutani annikippallaarneranik pasitsaassisoqarnerani annertuumik misissuisoqarnikuuvoq. Tamanna suli allaffeqarfimmit misissuiffigineqarpoq piaartumilu paasisaartoqasasoq neriuutigineqarpoq.

Teknikkimut tunngasut: Maniitsoq

563010000 MAN Teknikkeqarneq Avatangiisillu Stab

Teknikkikkut immikkoortortanut arlaqartunut atuiffik nalunaarsuiffittut atornerpoq, matumani kommunip allaffianik ingerlatsineq, allaffissornermi atortut il.il. ilanngullugit.

563030300 MAN Ikuallaavik

Kukkusumik nalunaarsuisoqarsimanissaanik misissuisoqarnissaa suli naatsorsuutigineqarsinnaavoq. Teknikkeqarnermut Ingerlatsinerum aamma Ikuallaaviup akornanni assingusoqarsinnaanera eqqarsaatigineqarsinnaavoq.

563030400 MAN Upalungaarsimaneq Qatserisartoqarfik

MAN-imi upalungaarsimasut pisortaanut tullersorti (VBCH) nammineq kissaateqarnermigut atorfimminit soraarnikuvoq. Naak inuttassarsiortoqaraluartoq, atorfik suli inuttaleqqinneqarnikuunngilaq. MAN-imi atorfiit marluk VBCH-mik aamma upalungaarsimanermut inspektøri BRI ulluinnarni aqutsisutut aamma garagemi ikiortitut ikiuukkallartussatut allanngortinneqarallarnikuupput. Oqarasuaammik nakkutilliisuunissamik tapeq pillugu akissarsianut isumaqatigissuteqarnikkut pisussaaffimmit kingumortumik qaammammusiak sunnernerneqaqqapput. Tunngaviumik ilinniartitsineq Indsats MAN-imi ingerlanneqarnikuuvoq, sinneri MAN avataani ingerlanneqarnikuullutik.

563030700 MAN Eqqagassalerineq/anartarfilerineq

Eqqaavilerinerumik/Anartarfilerinerumik qaammatit pingasukkaarilluni akiligassanik aniatitsisoqartarnera pissutaalluni, atuiffik 563030700 qaammatinut pingasunut aningaasartuutinik takutitsivoq. 563030700 udgifter for 3 måneder. Eqqaavilerineq anartarfilerisarnerlu namminersortunut suliariumannittussarsiorneqarnikuuvoq.

563030800 MAN TEKNIKKIKKUT Ingerlatsineq

Teknikkikkut immikkoortortanut assigiinngitsunut, matumani kommunimik ingerlatsinerum, allaffissornermi atortunut nioqutissanut aammalu nutarterinerumut nukingernarsinnaasunut kukkusumik nalunaarsuisoqarsimanermut misissuiffigineqarnissaanut naatsorsuutigineqartunut ilanngullugu, atuiffik nalunaarsuiffittut atornerpoq. Aammattaaq eqqarsaatigineqarsinnaagaluarpoq, Maniitsumi, Teknikkeqarnermut Ingerlatsiviup aamma entreprenøreqarfiup akornanni assingusoqarsinnaasoq.

Sanaartornermut tunngasut: Sisimiut aamma Maniitsoq

Teknikkeqarnermut ataatsimiititaliami ataatsimoorussamik sanaartorneq	2020-mut missingersuut	Piffissami atuineq katillugu	Naleqqiussilluni Atuineq %- inggorlugu	Atuineq sinneruttoq %- inggorlugu
562040600 SIS Sanaartornermut immikkoortortaq	231.789.400	64.992.253,91	28,04%	72%
010500 Qeqqata Kommunia Ataatsimoorussaq	56.051.864	2.513.230,63	4,48%	96%
010580 Sisimiut	121.060.538	38.294.900,55	31,63%	68%
010581 Itilleq		59.769,16		
010582 Kangerlussuaq	44.601.998	2.179.8851,87	48,87%	51%
010583 Sarfannguaq / Sarfannguit	10.075.000	2.325.501,7	23,08%	77%
563030600 MAN Sanaartornermut immikkoortortaq	108.702.820	22.695.929,88	20,88%	79%
010500 Qeqqata Kommunia Ataatsimoorussaq	11.995.000	0	0,00 %	100%
010570 Maniitsoq	74.747.134	22.400.666,29	29,97%	70%
010571 Atammik	1.779.254	98.842,27	5,56%	94%
010572 Napasoq	935.189	31.552,28	3,37%	97%
010573 Kangaamiut	19.246.243	164.869,04	0,86%	99%
Kisitsisit pingaarnertit	340.492.220	87.688.183,79	25,75%	74%

Sisimiut:

Sisimiuni sanaartornermut tunngasuni atuinerup appasinnera, entreprenøri ingammik nunalerinermik aamma ruujorilerinermik kinguaattooqqanikuuneranik aammalu siunnersorti sulinliutini neqeroortitsinernik kingusinaarluni tunniussinikuuneranik patsiseqarpoq.

Kulturikkut illorsuarnik alliliineq siunnersortimit pilersarusiorneqarnera naammassineqariartorpoq. Sisimiuni 20-nut ineerartalimik puigortunngortunut immikkoortortamut nutaamut siunnesuutitut atorneqartussaq suliarineqarnikuuvoq aammalu Atugarissaarnermut ataatsimiititaliami akuersissutigineqarnissaa utaqqineqarpoq.

Akiani meeqqerivik 4-mut inimi allermi toqqaviit kuineqareerput, aammalu najummissussartai suliarineqarput.

Nikkorsuarni utoqqarnut inissianut 12-inut betorngilerineq naammassineqarpoq, aammalu najummissussaanik illullu qaasaanik ikkussuineq ingerlanneqarpoq.

Multihal Sarfanguit assaaffigineqarnikuuvoq, qaartiterisoqarnikuulluni toqqavissaalu naammassingajanneqarnikulluni, ukiuunerani uninngatinneqarallarpoq.

Aqissiliup aamma Muukkup eqqaani kuuffissuarnik nutaanik suliaqarneq ukiuunerani uninngatinneqarallarpoq.

Guutaap Aqq. aamma Karl Sivertsenip-imi kuuffissuarnik nutaanik ikkussuinissaq sanaartortartunut neqeroortigineqarpoq.

Jaakunnguup Aqqutaani immikkoortumi kuuffissuarnik nutarsaanissamik pilersarusiorneq aallartinneqarpoq.

C14-imik sanaartorfissagissaanissami isumaqatigiissusiortoqarpoq, ujaqqat apuussorneqarput, ukiuunerani uninngatinneqarallarpoq.

Multihus Kangerlussuaq nammassingajanneqarpoq, 1.3.2021 tunniunneqassaaq.

Kangerlussuarmi utoqqarnut inissiat pillugit 2019-imi decembarip 17-iani AA-p aalajangiinerata allanngortinneqarnissaanut, politikikkut isummertoqarnissaa utaqqineqarpoq.

2021-mi sanaartornissamut Kangerlussuarmiit Kangerluarsuk tullermut ATV-nut aqutissiamut entreprenørimik isumaqatigiissusiortoqarpoq.

Maniitsoq:

Ungusivik: immikkoortoq 1 naammassineqareerpoq, tunniussinermullu ingerlatsineq ingerlanneqareerluni.

Annertusoq-Tunoqqusaq ikaartarfik: ilaannakortumik naammassineqarpoq, entreprenørit kinguaattooqqapput.

Illoqarfiup immikkoortuanut avannaanut kangianut aqqusineq suli aallartinneqanngilaq, pilersarusiornissamut tunngavik kiisalu Nukissiorfinnut isumaqatigiissut amigaatigineqarmat Sarfanut majuartaateqarfimmut sulinermi aqqusinissamut siunnersorti peqatigalugu ingerlavoq, aqquserngup ingerlaarfisinnaasaanik misissuisoqarluni.

Maniitsumi Ilaqutariinnik inerisaavimmuut toqqavissaq naammassineqangajappoq aammalu sanaassartai suliarineqarput.

Atuarfik Kilaaseeraq nutarterineq: Illu misissorneqareerpoq, nunaminertanik nalunaarsuineq aallartereerpoq.

Kangaamiuni atuarfimmik nutarterineq. Sanaartortitsisumut siunnersortip illu alakkarternikuuuaa, nunaminertaq pisariaqartitaq pillugu allakkiat aammalu nutarsaanissamut pisariaqartitsineq, sanaartornermut pilersaarutip nutartikkap akuerineqarnissaa utaqqineqarpoq.

Maniitsumi iliveqarfimmik nutaamik pilersarusiorneq siunnersortimit ingerlanneqarpoq.

Maniitsumi anartarfilerisarfimmiit kuuffissuarmut nutaamut pilersarusiorneq siunnersortimit ingerlanneqarpoq.

Sulisunut inissiat aqqaneq marluk, tamakkiisumik entreprenørinik isumaqatigiissut atsiorneqarpoq, aput aattulerpat aallartinneqassapput.

Ivissuarni kuuffissuit nutaat. Immikkoortoq 1 naammassineqareerpoq, immikkoortoq 2 upernaamut aallartinneqassaaq.

Napasumi iliveqarfik naammassineqareerpoq.

Atammimmi aqqusinernik pitsanngorsaaneq ukiuunerani uninngatinneqarallarpoq.

Inuussutissarsiornermut immikkoortumi nutaami qaartiterutaasivissamut aqqusinniorneq naammassivoq.

2020-mi naatsorsuutini nuutassat kingullit suli isumagineqanngillat aammalu taamaalilluni sanaartornermut atuiffimmi aningaasat sinneruttut qassioqqissaarneri suli Iisimaneqanngillat, 2021-mut sanaartornermut aningaasaliissutinik atunngitsuukkanik nuutsisoqarnissaa pillugu TA-mi immikkoortumik suliaqarnissami 2020-mi naatsorsuutit naammassineqarnissaat utaqqineqarpoq.

Teknikkeqarnermut Avatangiisinullu immikkoortortamit Teknikkeqarnermut ataatsimiititaliamut innersuussutigineqarpoq:

Sisimiuni Teknikkeqarnermut, Pilersuinermit Sanaartornermullu 2020-mut ukiumut nalunaarussiaagallartoq akuersissutigineqassasoq.

Aalajangiineq

Nalunaarussiaq akuersissutigineqarallarpoq, kisitsillu kingullit nalunaarisiami aqqinneqarnissaat malinnaaffigineqarumaarluni

Ilanngussat

1. 2020 naalernerani Ingerlatsineq allattorluagaq, 26.2.2021-mi,
2. 2020 naalernerani Sanaartorneq allattorluagaq, 26.2.2021-mi.

Imm.3.4 Sisimiuni nutarsaanermut aningaasaliissutaasunit agguaassineq

Journal nr. XX.XX.XX

Tunuliaqutaq

Qeqqata Kommuniani illunik inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut nutarsaanissamut aningaasaliissutit pilersinneqarput, taamaaliornikkut siunissami illut piuinnarnissaat qulakkeerneqarsinnaalluni.

Siunertamut aningaasat immikkoortinneqartut agguataarneqarnikuupput, taamani illuutigisat malillugit suliamik saqqummiussinermi 13,5 mio. koruunit Sisimiuni TAI-mit aqutassanngortinneqarnikuupput, kingornalu 15 mio. koruuninut qaffanneqarnikuullutik.

TAI Sisimiut TAI Maniitsorlu tamarmik immikkut teknikkimut avatangiisinullu ataatsimiititaliamut renoveringspuljep ukiunut marlunnut agguataarneqarnerinut allanguutinik ukiukkaartumik sulianik saqqummiisassapput. Pisarnerlu naapertorlugu ataatsimiititaliap ataatsimiittarnerini sanaartukkat allat atuiffik 7-imiittut assigalugit sumut killinneri nalunaarutigineqartassallutik. Selskabimik pilersitsinermut atatillugu Esanip suliaanut atuiffiit arlallit atorlugit aningaasaliissuteqarneq peqqutaalluni ukiuni 2021-imi 2022-milu agguataarneqartut katillugit 13 mio. koruuninut appartinneqarput. Annikillisisinerup kingunerisaanik 13 mio. koruunit sinneruttut maannamut agguaaruaaseq atorlugu agguarneqarput 7.8 millionit Sisimiuni TAI-mut Maniitsumilu TAI-mut 5.2 millionit.

Aningaasaliissutit ilai sanaartukkat pigisatta piujuarnissaat siunertaralugu atussavagut, soorlu illup iikkersuutaanik qalipaanernut, pisariaqalernerani nutaanik ussinnerusunik igalaalersuinerlut, soorlu silaannarissarfilersuinerlut, silaannarissarneq kuuffeqarnerlu eqqarsaatigalugit nutarsaanermut, sarfamik kiammillu atuinnginnerulernissaq aamma siunertaralugu.

Maleruagassatigut tunngavissat

Teknikimut Avatangiisunullu ataatsimiititaliap atuiffik 7-imut akisussaasuvoq (Sanaartornermut atuiffik).

Qeqqata Kommuniata illuutini nammineq akisussaaffigai.

Pissutsit atuuttut

Ukiopassuarni aserfallatsaaliinermut aningaasaliissutit killeqarpallaarsimapput, taamaasilluni piujuartitsinissaq siunertaralugu aserfallatsaaliinissaq ajornartarsimalluni, annermillu ileqquusimalluni aatsaat illut aserfallalluinnaraangata iliuuseqartoqartarluni.

Nalinginnaasumik piffissaagallartillugu aserfallatsaaliineq ingerlanneqartassaaq, taamaalilluta siunissami pigiinnarsinnaaniassagatsigit. Tamanna siunertaavoq. Kisiannili illuutit ilai ima aserfallassimatigipput, allaat ingutseriarlugit nutaamik sananissaq pisariaqarsinnaalluni, pioreersup suliarinissaa akilersinnaassanngippat.

Ukiumut 2020-mut aserfallatsaaliinissamut aningaasat immikkoortitat maanna tamangajammik aallartinneqareerput, suliat ilaat suli ingerlapput, ilaallu naammassineqareerlutik, aamma ilanngussaq 1-imi takuneqarsinnaallutik.

Suliassat ilaat peqquteqavissumik 2021-imut kinguartinneqarput, assersuutigalugu B-1591-imi kiassaateqarfinnut pumpinik taarsersuineq, MISO B-904-ip aaqqissuunneqarneranik allannguneq.

Ukiumi naatsorsuuseriffiusumi matumani 2020-imi nutarsaanermut killiffik tassaavoq, suliassat amerlanerpaat naammassineqareersut, suliassallu ilaat ingerlallutik.

2021-mut ilaatigut pilersaarutaavoq, B-1037 Utoqqaat angerlarsimaffianni igalaat taarsersorneqarneri, matumani illup iluani silaannarmik pitsaanerulersitsinermik kinguneqassalluni, kiisalu Utoqqaat angerlarsimaffiani atuisunut sulisunullu aningaasaqarneq. Takuuk ilanngussaq 2.

Atuilluartuunissakkut kingunerisinnaasai

Pilersaarusiukkamik aserfallatsaaliinerup kingunerissavaa atortuutitta illuutittalu siunissami piujuarnissaat, imaluunniit sivisunerusumik atorineqarsinnaanissaat, Illut il.il. pioreersut pigisagut paariinnarsinnaassagutsigit, illunik nutaanik pisariaqanngitsumik inuiaqatigiinnut akisusinnaasumik sanaartortariaqanngilagut.

Illuutitik aserfallatsaaliinissamut pisariaqartitsitsinermik nalilersuinerit atuisunik suleqateqarluni ingerlanneqassaaq, taamaalilluni illut pisariaqartitsinerpaat salliutinneqassallutik.

Aningaasaqarnikkut allaffissornikkullu kingunerisinaasai

2020-imi nutarsaanissamut aningaasaliissutit killiffiannut nalunaarusiaq, TAAA-mut atuiffimmut 7-mut (Sanaartornermut atuiffik) qaammatit pingasukkaarlugit aningaasaqarnikkut nalunaarusiami ilaatinneqartarpoq. Ilangussap 1-ip takutippaa, ukioq 2020-imut nutarsaanermi aningaasaliissutaasut killiffiup sukumiinerusumik allaaserineqarnera.

Nutarsaanissamut aningaasaliissutit pillugit siusinnerusukkat aalajangiineq takuuk, ilanngussaq 2-mut nassuiaatigineqartoq, suliassat naapertorlugit ukiumut 7.8 mio. koruunini 2020-mit 22-p tungaanut nutarsaanissamut aningaasaliissutit pillugit aningaasanik immikkoortinneqartunit agguataarinermut Sisimiuni TAI siunnersuusiussaaq. Ilutigitillugu suliniutini ataasiakkaani isumaqatigiissutigineqartut malillugit sapinngisannuamik aningaasaliissutaasunit tamakkiisunik atuinarluni, ukioq naatsorsuuseriffiusup ingerlanerani agguataarinermik allannguisinnaanermik TAI pininnaatinneqassaaq.

Illuutitut sanaartukkanullu ataasiakkaanut arlalissuarnut tunngammata piaartumik aallartittariaqarput ukioq 2020 naappat suliarineqareersimassappata. Taamaangippat nutarsaanissamik suliassat ilaannaat suliarineqarnissaat naatsorsuutigineqassaaq.

Allaffeqarfiup naliliinera

2020-mut aammalu ukiumut arlalinnut missingersuutineereersut, suliniutit ingerlaqqinnissaat pingaarutilerujussuavoq. Taassuma qulakkiissavaa, suliniutit akuersissutaareersut soorunami ingerlaqqinnissaat, aammalu allannguutaasinnaasut suliniutini aallartereersuni, tamakkiisumik suliarineqanngitsuni, nukissanik atuilussinnarnermik kinguneqannginnissaat.

Illut nutarsarneqarnissamik pisariaqartitsisut sinneri atuisut suleqatigalugit nassaarineqarput, pilersaarut tassaavoq, atuisunik suleqateqarluni ukiumiit ukiumut suliassanik nalilersueqqittarnissaq, tamatumani pilersaarusionermi atuisut pisariaqartitaat tunngavilersuutaallu ilanngunneqartassallutik. Taamaalilluni teknikkikkut misissueqqissaarnissamut TAI piffissaqalissaaq. Siunertaasoq tassaavoq, ukiumut tulliuuttunut aningaasaliissutaasut piffissami sivisunerusumi atortulersuutit illunillu paarinniinnarnissamut atorineqarnissaat.

Innersuussut

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut innersuussutigaa:

1. Ilanngussaq 2 naapertorlugu 2020-miit Sisimiuni TAI ataani Nutarsaanissamut aningaasaliissutinut ukiumoortumik aningaasaliissutaasunit 8,8 mio. koruuniusunit agguataarinissaa akuersissutigineqassasoq.
2. Suliariumannittussarsiuussereernerup kingorna neqeroorutaasut missingersuutininik naapertuutinnippata, missingersuutit tamakkiisut sinaakkutaasut iluanni TAI naligiissaarisinnaanerani pingaarnersiuisinnaanerani suli pisinnaatinneqassasoq. Missingersuutaasunit nalimmassaanerit pingaarnersiuiinerillu Sisimiuni TAI-mit nutarsaanissamut aningaasaliissutaasut iluanni ingerlanneqartassasoq.
3. Takuuk ilanngussaq 1, 2020-mut nutarsaanissamut aningaasaliissutinut missingersuutaasunit suliniutit killiffiat paasissutissiissutitut tiguneqassasoq.

Aalajangiineq

Innersuussut akuerineqarpoq

Ilanngussat

- 1 Nutarsaanissamut aningaasaliissutit, 2020-imi malitseqartitsineq.
- 2 2021-mit 2022-mut nutarsaanissamut aningaasaliissutinit agguataarinissamut innersuussut.

Imm.4.1 Innarluutilinnut angallassisarnissami taxaateqalernissamut akuersissummik qinnuteqaat

Journal nr. XX.XX.XX

Tunuliaqutaq

Maanna taxaateqarnissamut akuersissutaatillip Jens Møller-ip akuersissutip pigeriikkami saniatigut handicapbus-inut taxaatitaarnissamut qinnuteqaat allaffeqarfimmu ulloq 16.02.2021 nassiussaa.

Maleruagassatigut tunngavissat

Taxanik ingerlatitsisinnaaneq pillugu kommunip ileqqoreqqusaa august-ip 25-at 2016-imeersoq.

Pissutsit atuuttut

Maniitsumi taxaateqartunut akuersissutit 15-iniik 18-inut amerlineqaqqammerput, tamarmillu inuttaqarlutik.

Ullumikkut taxaatitaarniarlutik qinnuteqarsimasut utaqqisuniittut tallimaapput taakkunanngalu Jens Møller-i utaqqisut pingajuanni nalunaarsorsimalluni.

Akuersissummik tunniussisoqassatillugu utaqqisut allattorsimaffianni nalunaarsorneqarsimasut ulloq qinnuteqarfigisimasaat naapertorlugu qinnuteqartut tulleriiarlugit saaffigineqartarput.

Jens Møller qinnuteqaataa malillugu kisimiilluni innarluutilinnut tulluarsakkamik, kørestolimillu atuisunut kivitsissutitalimmik, inunnik arfineq pingasunik ilaasoqarsinnaasumik taxaqalerniarpoq/aningaasaliiniarpoq.

Aningaasaqarnikkut allaffissornikkullu kingunerisinnaasai

Kommunemut toqqaannartumik aningaasatigut sunniuteqassanngilaq.

Ullumikkut taxaatillit illoqarfimmi taxat suli amerleqqinnissaat isertitamikkut malugisinnaassagaat takorloorneqarsinnaavoq.

Allaffissornermi immikkoortumi malittarisassani allassimasut malillugit kommunalbestyrelsi immikkut ittumik akuersissuteqarnissaa pisariaqassaaq.

Allaffeqarfiup naliliinera

Nalinginnaasumik sullissineri utaqqisunut allattorsimaffik malinneqartarpoq, taamaalilluni Jens Møller-ip qinnuteqaataa naammassineqarsinnaanngilaq.

Tunngavia apequtaatinnagu utaqqisut aallaaviginagit akuersissummik tunniussisoqassappat utaqqisuni allattorsimaffimmiittuniit akuersissutinillu peqareersuniit saaffiginnissutinik naammagittaalliutinillu angussisoqarnissaa naatsorsuutigisariaqarpoq.

Qinnuteqaat akuerineqassappat illoqarfimmi innarluutilinnut tulluurtunik angallassinissamut sullissineri mut pitsaasumik kinguneqassasoq allaffeqarfiup nalilerpaa.

Innersuussut

Alleffeqarfiup innersuussutigaa Teknikkimut avatangiisiinullu ataatsimiititaliami qinnuteqaat akuersissutigineqassanersoq eqqartorneqassasoq, akuersissutigineqassappallu Kommunalbestyrelsemu ingerlateqqinneqassasoq.

Aalajangiineq

Innersuussut kommunalbetyrelsimu ingerlateqqinneqassasoq aaliangerneqarpoq

Ilanngussat

1 Jens Møller-ip saaffiginnissutaa

Imm.4.2 Sisimiuni GTO-qarfikoq pillugu Emilie Olsen-ip apeqquteqaataa

Journalnr. XX.XX

Tunuliaqutaq

Kommunalbestyrelsimi ilaasortaq Emilie Olsen 2017-imi juunip aallaqqaataani tikeraanik atorluaanerunissaq pillugu kommunalbestyrelsimut siunnersuumik nassiussivoq. Kommunalbestyrelsip aggustip 24-iani 2017-imi ataatsimiinnerani, suliaq kommunalbestyrelsimit eqqartorneqassasoq, kinguneranillu ataatsimiititaliamut nassiunneqassasoq aalajangerneqarpoq (tak. KB-p ataatsimiinnerani imaqqarniliaq ilanngussaq1).

Siunnersuummi ilaatigut pineqarpoq, qanga GTO-qarfiusimasup nalaani nunaminertaq nunagissariarlugu nunaminertami tassani illumik pilersitsinikkut takornarissanut/tikeraanut tuniniaavittut atorluarneqarsinnaasoq, illoqarfimmiuniit kalaaliminernik, eqqumiitsulianik allanillu tuniniaaviusinnaasumik. Siunnersuutigineqarportaaq, talittarfiup tungaanut aqquuserngup sangusariaani "itersamik" matusinissaq, tassanilu tuniniaaneq ingerlanneqarsinnaasoq. Taamatuttaaq sumiiffiit takornarissanit ornigarneqartartut paarilluarneqarnerunissaat, soorlu kommunip allaffiata ataani puilasooq pissusissamisut atuutinngitsoq.

Maleruagassatigut tunngavigisaq

- 2012-imit 2024 tikillugu kommunip pilersaarusiorfigineqarneranut kommunip pilersaarusiorfigineqarnerani tapiliussaq nr. 10

Pissutsit atuuttut

Suliamut tunngatillugu Teknikkimut Avatangiisinullu allaffeqarfiup naliliinera tullinguuttutigut saqqummiunneqarpoq.

GTO-qarfitoqaasimasumik atorluaaneq

2012-imit 2024 tikillugu kommunip pilersaarusiorfigineqarneranut kommunip pilersaarusiorfigineqarnerani tapiliussami nr. 10-mi GTO-qarfitoqqap avanna tungaa (inissisimaffik 800-C2,4) biilnut uninngaarfissatut immikkoortinneqarnikuuvoq, taamaalilluni inissami tassani sanaartortoqaqqusaanani. Inissap kujataa tungaa (inissisimaffik 800-D4) sanaartorfioqqusaanngitsutut immikkoortinneqarnikuuvoq, tassanilu kultureqarnermut aammalu sunngiffimmut sammisassaqartitsivinnut attuumassuteqartunut annikitsunut sanaartorfissatut taamaallaat akuersissuteqarfiusinnaalluni.

Kommunip pilersaarusiorfigineqarnerani tapiliussaq nr. 10-mittaaq GTO-qarfitoqqap nalaani nuna mingutserneqarsimasooq erseqqissaatigineqarpoq, tassani ilaatigut siunissami biilnut uninngaarfissatut sanaartorneqarneranut atatillugu sumiiffimmi mingutsitsinerup pinaveersaartinneqarnissaanut nuna asfaltiterneqassalluni. Siusinnerusukkut misissuisoqarnikuuvoq, tassanilu nunamik mingutsitsineq uppersarsarneqarsimalluni, taamaalilluni siunissami tamaani ilaatigut sanaartornissaq unaminartoqarsinnaalluni, aammalu nunap ilusaa/nunap ilua annertuumik aqqissuutassaalluni.

Sanaluttartut sannaviata eqqaani itersamik immiineq

Sanaluttartut sannaviata akiani Aqqusinersuarmut atasumi itersaq, imip kuuttarnera eqqarsaatigalugu teknikkikkut atortoqarpoq. Itersaq Aqqusunersuup ataatigut ingerlaarfeqarpoq, aqquuserngup ataatigut aniaavik salinneqassatillugu atorneqartartoq. Itersaq tassaniinngikkaluarpat aqquuserngup ataatigut

ingerlaarfik salinneqarsinnaassanngikkaluarpoq, aputillu aannerani iminnguuttoq tassani annertuumik katersuutissalluni, taamaalillunilu ataatigut imaanut ingerlaarfiup milinnganeranik iminnguuttup aqqusinermit tungaanut kuulernissaa aarlerinarsinnaalluni. Itersap siunertanut allanut atorneqarnissaa siunertaralugu matunissaa pissusissamisuumngitsutut nalilerneqarpoq. Kusanarnerusumili takujuminarsarneqarsinnaavoq, ass. killinginik qallersuinikkut/ujaralersuinikkut kusassarnerullugu.

Puilasuliap eqqaani pitsanngorsaaneq

Puilasuliap inissisimaviata nalaani allaffissuup kitaa tungaata atorluarneqarnerunissaanut ingerlatsinermit immikkoortortaqarfik aaqqiissutissamik ujartuileruttorpoq. Tamanna eqqarsaatigalugu oqaatigineqarsinnaavoq, illoqarfimmi takujuminarsaanermit suliniutikkut tamanna pitsanngorsaavigineqarsinnaammat, taamaalillunilu tikeraanut innuttaasunullu takujuminarnerulersinneqarsinnaalluni.

Atuilluartuunissakkut kingunerisinaasai

Pingaarnertut qitiusumik uninngaarfinnik aammalu innutaasut takornarissallu ingerlaarfigisagaanni takujuminarsaalluni suliniutaasut takornarissanut aammalu inuussutissarsiuteqartunut orniginnilersitsinissamat sunniuteqarluarsinnaapput, tassami illoqarfimmi najugaqarfiit kusanartut illoqarfimmik kinaassusileeqataasarmat.

Aningaasaqarnikkut allaffissornikkullu kingunerisinaasai

Illoqarfinnik takujuminarsaanissamat suliniutinut aningaasaliissutit allaffissuup eqqaani puilasup inissisimaffiani nutarsaanissap piviusunngortinnissaanut atorluarneqarsinnaapput.

Aningaasaliissutaasuniilli aningaasat ukiunut aggersunut illoqarfinnik takujuminarsaanissamik suliniutinut immikoortinneqarnikuupput. Politikikkut suliniutip taassuma pilertortumik pinissaa soqutigineqassappat, tassunga aningaasaliinissaq missingersuusiornikkut qulakkeerneqartussaassaaq.

Eqqumiitsuliortut sannaviata akiani itersamik nutarsaasoqassappat, tamanna missingersuusiornikkut aningaasalerneqartussaassaaq.

Allaffeqarfiup naliliinera

Ullumikkut aasaanerani takornariartaatinik umiarsuaqarnerani talittarfimmi kiisalu napparsimaviup saatungaani tuniniaaneq ingerlanneqartarpoq. Pisortanut naapertuuttunut allanut akuersissummik piniartoqaqqaaarsimatillugu GTO-qarfiup nalaani tuniniaavissanik inissinissamat nunaminertamik qinnuteqartoqarsinnaavoq. Piumasaqatit ilagivaat iluarsaasisussaatitaaneq.

Inuutissarsiortuniilli saniatigut tuniniaavissanik pisariaqartitsisunit, takornariaqarnermit sammisuni tuniniaanermi aamma/imaluunniit saqqummersitanut inissiivissamik illumik inissiivissat pillugit saaffiginnissutinik Teknikkimut Avatangiisinullu Immikkoortortaq tigusaqarnikuunngilaq.

Innersuussut

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut innersuussutigaa

- Qulaani TAI-ip allaffeqarfianit akissut tusaatissatut tiguneqassasoq.

Aalajangiineq

Innersuussut tusaatissatut tiguneqarpoq.

Ilanngussat

- 1 2017-imi aggustip 24-ani KB ataatsimiinnerani immikkoortoq 18 Tikeraanik annerusumik atorluaanissamik siunnersuut pillugu imaqarniliaq.

Imm.4.3 Ataatsimiititaliami siulittaasup Frederik Olsenip sanaartornissamut sullissinermi piffissarititat anguniakkat pillugit kissaataa

Journalnr. XX.XX

Tunuliaqutaq

Kommunalbestyrelsimi ilaasortaq Frederik Olsen mailikkut allagaqarnikkut politikikkut innersuusserusuppoq, ”suliani ajornaquteqanngitsuni nalinginnaasuni” piffissamik atuineq annerpaamik qaammatinik marlunnik sivisussuseqassasoq. Qeqqata kommuniani aammalu Sisimiuni sulisitsisut peqatigiiffiani (GE) sinniisut ataatsimeeqatigereernerani, ataatsimiititaliami siulittaasooq taama kissaateqarpoq.

Sisimiuni sulisitsisut peqatigiiffianni ataatsimeeqatigiinnermi isornartorsiuut tassaavoq ilaatigut avatangiisit eqqarsaatigalugit Danmarkimi pissutsit ilaatigut allaanerunerat maluginiaqquneqassasoq, aammalu kommunip tungaaniit sanaartornissamut sullissineq takivallaartoq uppernarsaatillu piumasaqaataasut amerlavallaartut. Taakkartorneqarpoq illuliornermut malittarisassat kommunip akisussaaffiginngikkai, inatsilli malinneqarnissaa sanaartortitsisut ataasiakkaat taamaallaat isumagissagaat.

Maleruagassatigut tunngavissat

- 2012-imit 2024 tikillugu kommunip pilersaarusiorfigineqarneranut kommunip

pilersaarusiorfigineqarnerani tapiliussaq nr. 10

Sanaartorneq pillugu Inatsisartut inatsisaat nr. 13, 26. Maj 2010-meersoq

Kalaallit Nunaanni illuliornermi malittarisassat 2006-imeersut.

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17.

November 2010-meersoq

Sanaartornermut Oqartussaarfik pillugu Namminersorerullutik Oqartussat nalunaarutaat nr. 13, 18.

Aggusti 2006-imeersoq.

Pissutsit atuuttut

Teknikkimut Avatangiisinullu Immikkoortortaqarfik nunaminertanik- aammalu sanaartortitsinissamut qinnuteqaatinik Kalaallit Nunaanni inatsit qulaani pineqartoq malillugu allaffissornikkut ingerlatsisuuvoq, naalagaaffeqatigiiffimmi europamilu suliassat taama ittut eqqarsaatigalugit inuit assigiimmik piginnaasallit atorneqaraluartut avatangiisit soorunalimi Danmarkimiit allaanerupput,

Kommuninut allanut inatsisimik malittarinillutik taama suliaqartunut sanilliullugu, nunaminertanik- aammalu sanaartortitsinissamut suliassanik suliat sulisullu apeqqutaallutik sanaartornissamut sullissinerup piffissamik atuiffiqineqarnera allaanerussutigisinnaallugu.

Kommunip sanaartornermik inatsisi aammalu illuliornermik malittarisassanik akisussaaffeqannginneranik isornartorsiuineq pissusissamisunngilaq, Kommuni inatsimmik siuttuulluni malinnittussaammat taamaalilluni qulakkiissallugu sanaartortitsisut ataasiakkaat inatsimmik malinninnissaat.

Illulioriternermi oqartussaassuseq pillugu Namminersorerullutik Oqartussat nalunaarutaat nr. 13, 18. august 2006-imeersumi §1 takuuk. Kommunalbestyrelsip Naalakkersuisunut akisussaassuseqarlutik illulioriternermi oqartussaasutut suliassat najukkami innuttaasut akornanni isumagissavaat, tassunga ilanngullugit allaffissornermi nakkutilliinermilu suliassat.

§3. malillugu. Kommunalbestyrelsip qinnuteqartoq paasissutissanik, qinnuteqaatip naliliiffiginiarnerani pisariaqartinneqartunik piumasaqarfisinnavaa.

§ 4. aamma 5 malillugit. Kommunalbestyrelsip suliassamik suliarinninnermini nalunaarut illuliornermilu malittarisassani aalajangersakkat malinneqarnersut misissussavai. Immikkut akuerineqarnissamik qinnuteqaatit, aamma oqaaseqaataasinnaasut Naalakkersuisunut nassiunneqarsinnaasut.

Takuuk Sanaartorneq pillugu Inatsisartut inatsisaat nr. 13, 26. maj 2010-meersoq, §13. Suliassat kommunalbestyrelsimit sananissamut akuersissummik pissarsisimatinnani aallartinneqaqqusaanngillat. Qinnuteqartup paasissutissanik qinnuteqaatip nalilersorneqarnerani pisariaqartinneqartunik tunniussinissaa pillugu kommunalbestyrelsi piumasaqarsinnaavoq.

Sanaartukkamut suliami pissutsit tamarmik inaarutaasumik inissinneqanngikkaluartut sanaartuqaq aallartinneqarsinnaasoq kommunalbestyrelsi naliliippat, sananissamut akuersissut immikkoortukkaarlugu agguarneqarsinnaavoq. Taamaattoqartillugu pingaaruteqarpoq sanaartorfiup/illup ingerlanneqalinnginnerani imaluunniit atorneqalinnginnerani akuersissutit tamarmik atulernissaanut akuersissummik naammassineqaartassat.

Kalaallit Nunaanni sullissinerup piffissamik atuiffigineqarnera kisitsisitigut paasissutissartaqarneq ajorpoq, tamanna pisortatigoortumik ataatsimoorussamik, sullissinermik aammalu aningaasartuutunik atuiffiummat. Danmarkimi nittartakkami uani anguniakkat aammalu sullissinermi piffissat atorneqartut kisitsisitigut agguaqatigiisinnerat sukumiinerusumik takuneqarsinnaavoq:

<https://www.kl.dk/media/23093/servicemaalsstatistik-2019.pdf>

- Sanaartornerit ajornanngitsut ullut 40 sullissiffiusut, agguaqatigiisillugu sullissinermi piffissaq atorneqartumi ullut 43-ruusarput.
- Ilaqutariinnut illuni ullut 40-rut sullissiffittut anguniagaasarput. Agguaqatigiisillugu suliat ullut 43-rut iluanni aalajangiiffigineqartarput.
- Suliffissuarnut, pequusivissanullu ullut 50-it sullissiffittut anguniagaapput, agguaqatigiisillugulu aalajangiinissamut ullut 56-it atorneqartarlutik.
- Inissarsuarnik, inuussutissarsiorfissanik sanaartornissami, ullut 55-it sullissiffittut anguniagaapput, agguaqatigiisillugulu aalajangiinissamut ullut 69-it atorneqartarlutik.
- Inissarsuarnik, najugaqarfissanik sanaartornissami, ullut 60-it sullissiffittut anguniagaapput, agguaqatigiisillugulu aalajangiinissamut ullut 60-it atorneqartarlutik.

Naggataatigullu qanittumi Danmarkimi sullissinermni piffissaq atorneqartartoq allanngortinneqarpoq, siulianut sanilliullugu piffissat makku atuutilersinneqarlutik:

- Sanaartornissamut akuersissuteqaqqaartoqarnissaa minillugu, ajornanngitsunik sanaartornermi (biilnut illuaqqat aamma carporte il.il., ilaqutariinnut illut aamma illut uiguleriiaat taavalu suliffissuarnut- pequusivissanullu- aammalu naasorissaasuni illu quleriinnut). Sanaartortitsisulli akisussaaffigaa sumiiffinni pilersaarusernermi inatsisit malinneqarnissaat.
- 50 kvm. sanaartornermi nalunaaruteqartussaataaneq atorunnaalerpoq. Taamaalilluni sanaartortitsisoq ajornanngitsunik sanaartornermi kommunimut nalunaaruteqartariaqanngilaq, assersuutigalugu carportit assigisaalu.
- Ajornarnerusunik sanaartornermi kommunini sullissinermi piffissaq atuiffittut anguniagaat ullut 60-upput, taannalu pisortatigoortumik Kommunllu Kattuffiini isumaqatigiissutaavoq servicemåaftalen 2015-meersoq. Sanaartortitsinissamut akuersissummik tunisinermi kommuni suli akiligassiinnaavoq – sanaartornermi akuersinermi sullissinermi aningaasartuutit tamakkiisut matussuserniarlugit.

Qulaani allassimasoq Danmarkimi inatsisinut tunngaveqarpoq, taamaalilluni ilaatigut attuumassuteqartunut tamanut suliaq oqinnerulersillugu. Tamanna Kalaallit Nunaanni atuutinnigilaq, Kalaallit Nunaanni sanaartornermut inatsisit suli nutaanngitsoq atorneqarmat, Danmarkimilu allannguutinut nutaanerusunut attuumassuteqarani. Taamaalilluni Kalaallit Nunaanni sullissineq maluginiagassaqaqarnerusutut misigineqartarluni.

Atuilluartuunissakkut kingunerisinnaasai

Nunaminertanut sanaartorfissanullu suliassat sanaartornerup piffissalernerneqarnerani ilaareerput, tassani sanaartortitsisoq pisortatigoortuunersoq naminersortuunersorluunniit apeqqutaatinneqarani.

Sanaartornermi piffissamik atuineq aningaasartuutillu imminnut ataqatigiimmata, tassa sanaartortitsisoq sanaartornermi aningaasartuuteqartussaalluni, taamaammat pingaaruteqarpoq sanaartornissamut sullissineq pitsaasuussasoq.

Kommunip sanaartornissamut sullissinera inatsisi malillugu ingerlanneqassaaq, nunap inatsisai tunaartarinqassappata, aammalu aningaasaliisarfiit- aammalu sillimmasiisarfiit pisortat sullisseriaasiat sanaartornermi eqquisinnaasoq tatigiunnaassanngippassuk. Tamakku sanaartornermik ingerlatinerni aningaasaliinermi sunniuteqartorujussuusarput.

Aningaasaqarnikkut allaffissornikkullu kingunerisinaasai

Kalaallit Nunaanni kommunini sullissinermi piffissat atorneqartut kisinneqarneq ajormata, datat naatsorsueqqissaarnerillu sanaartornermut- aammalu nunaminertanut qinnuteqarnernut sullissinerni piffissat atorneqartut uppersarneqarsinnaanngillat. Naatsorsueqqissaarinissaq sulisunik atuinerussaag, sullissisut piffissaannik atuisussaag, taamaalilluni sullissinermi piffissap sivikillisussaagaluartup sivitsorneranik kinguneqassalluni.

Teknikkimut Avatangiisinullu Immikkoortortaqaqfimmilli paasineqarpoq, Danmarkimi sullissinermi piffissat agguaqatigiisillugit atorneqartut ”pissutsit atuuttuni” taaneqartunut sanilliullugit ajornerunngitsut. Kisitsisinik paasissutissanik katersinermut piffissamik nukissamillu atuinermik aallartitsinissamut taarsiullugu allaffeqarfiup innersuussutigivaa, Qallunaat Nunaannit kisitsisit pilersinneqareersut isumassarsiorfittut misissuataalaarneqartassasut, aammalu kommunip sulisui sineriammi sulianik avitseqatigiittarneri ingerlaannassasut.

Ullumikkut TAISIS-imi sanaartornermut sullissisoq ataasiinnaavoq, aammalu ingammik sanaartornermut sullissinermut sullissinermi piffissat annikillisinneqarnissaat pillugu kissaataasoq, akissarsianut aamma siunertamut sulinermut attuumassutilinnut aningaasartuutit sinnerinut ukiumut 500.000 koruuninik aningaasaliinikkut sanaartornermut sullissisumik immikkut atorfinitsitsisoqarneratigut pitsaanerpaassaaq. Missingersuutit ukiumoortumut sulisunik amerliliiinikkut immikkut aningaasaliinikkut, imaluunniit sanaatornermut- aamma nunaminertanik sullissinemut kommunip akigititaanik tulluarsaanikkut aaneqarsinnaapput, ullumikkut suliani sulisut piffissamut atugaannut tunngatillugu suliassaqaqartorujusuusoq, aammalu ingammik sanaartornermik suliassanut sanaartortitsisut tamakkiisumk aningaasartuutissaannut ataasiakkaanut tunngatillugu. Ullumikkut ingeniørinik suliffimmik misiliisumik ilassutaasumik atorfinitsitsisoqarsinnaagaluarpoq, allaffeqarfinni immikkoortortat atoruminartunik allaffeqartuuppata.

Sanaartornermi sullissinermi akiligassarititanik aalajangersakkani takuuk
Sanaartorneq pillugu Inatsisartut inatsisaat nr. 13, 26. maj 2010-meersoq §27, tassanilu

oqaatigineqartut kommunip inatsisi malillugu sanaartornermi sullissinermi aningaasartuutunik matussusiisinaanera.

Allatut oqaatigalugu sanaartornermi sullissinermi akiligassarititaq massakkumiit atuuttuniit, sanaartortitsinerit ataasiakkaani 200-500 koruunimik annertusineqarsinnaavoq. Pisortatigut sullissisussamik atorfinitsitsisoqarsinnaavoq, imaluunniit sanaartortitsisut akiligaannik sanaartornermi sullissisumik siunnersuisoqarsinnaavoq, taamaalilluni sullissinermi piffissaq atorpeqartoq annikinnerulissaaq. Piffissani pinartuni avataaniit siunnersuisoqarnerit akunnermut akeqarsimapput 750 koruunit, tassanilu atorfinitsitsineq akilernerusinnaasimavoq.

Taamatut suliniuteqarnerit sanaartortitsisut pisariaqartunik uppersaasiinnginnerannik allannguisinnaanngillat. Taamaattoqartillugu sullissineq sanaartortitsisunit akisussaaffigineqassaaq sanaartornermi sullissisuniunngitsaq.

Ilaatigut sanaartornermi sullissinermi akigititaviit kisimik attuumassuteqanngimmata, pisortatigulli sullissinerni allani soorlu nunaminertanik aqutsinermi aammalu avatangiisinut nakkutilliinerni.

Allaffeqarfiup naliliinera

Ilaqutariinnut illumik sanaartorneq 2,5 mio. koruunimik aningaasartuutilik aallaavittut tunngavigineqarpat, sanaartornissamullu sullissinermit 500 koruuni akiligassiissutigineqarluni, tassani erseqqissereerpoq sullissineq 0,02 procentinnaasoq. Sanaartornertaalu eqqarsaatigissagaanni akiligassaaq annikitsuararsuavoq, kommunini sullissinermi akiligassiissutit atorpeqartartut inatsisi malillugu allanngorneqarsinnaappata, kajumissaarnertaqanngitsumik akiligassiissutit annertusineqarsinnaapput.

Teknikkimut Avatangiisinullu Immikkoortortaarfik innersuussiffigineqarpoq pisortatigut sullissinermi akigititat atuuttut 2022-mut missingersuusiiornermi allanngortinneqarnissaat saqqummiunneqassasoq, 2022-mi januaarip aallaqqaataani sanaartornermi sullissisumik atorfinitsitsisoqarsinnaanera piviusunngorsinnaassappat.

Innersuussut

Teknikkimut Avatangiisinullu immikkoortortaarfip Teknikkimut ataatsimiititaliamut innersuussutigaa

- 2022-mut missingersuusiiornermi pisortatigut sullissinermi akigititat atuuttut allanngortinneqarnissaannik allaffeqarfik saqqummiussissasoq, taamaalilluni 2022-mi januaarip aallaqqaataani sanaartornermi sullissisumik ilassutaasumik atorfinitsitsisoqarsinnaalissammat.
- Allaffeqarfiup 2022-mi missingersuusiornissamut siunnersuutaanni Teknikkimut Avatangiisinullu immikkoortortaarfimmi akigititat atuuttut allanngortinneqarnissaat akuersissutigineqarpat, ilassutaasumillu atorfinitsitsisoqarsinnaaneranut tunngaviumik akissarsiaqartitsisinnaasoqalissaaq.
- Allaffeqarfiup pisortatigut sullissineq pillugu nassuiaataat tusaatissatut tiguneqassasoq.

Aalajangiineq

Innersuussut akuerineqarpoq

Ilanngussat

-soqanngilaq

Imm.4.4 Napasumi illut isatigassat

Journal nr. XX.XX.XX

Tunuliaqutaq

Teknikkimut ataatsimiititaliami ilaasortaq Gedion Lyberth januar-ip 26-ini 2021 Napasumi illut isatigassat pillugit apeqquteqarpoq. Apeqqutigaa Napasumi illunik isatigassanik Kommunemut tunniussisoqarsimanersoq aammalu taamaassimappat sooq isaterisoqarsimannginnersoq.

Maleruagassatigut tunngavissat

Sanaartorneq pillugu Inatsisartut inatsisaat nr. 13, 26. Maj 2010-meersoq.

Pilersaarusiorneq aamma nunaminertat atorineqartarnerat pillugu Inatsisartut inatsisaat nr. 17, 17. November 2010-meersoq.

Pissutsit atuuttut

Napasumi Maniitsumilu illunik nutaanngitsunik isaqqaajaasunik najugaqarfigineqanngitsunillu arlalinnik peqarpoq, ilaatigut illoqarfik eqqarsaatigalugu nunaminertani piumaneqarluarsinnaasuni inissisimasuusunik. Illut taamaattut amerlassusaat ullumikkut kisitsisaatigineqanngillat.

Napasumi illunik isatigassanik Kommunimut tunniussisimaneranik takussutissanik allaffeqarfik nassaannigilaq.

Illunik nutaanngitsunik paaanissamut/isaterinissamut aningaasaliisoqarnikuunngilaq, taamaattumillu illunik paaaneq ullumikkut ingerlanneqarsinnaanani.

Inoqarfinnik saligaatsuutitsinissaq torersuutitsinissarlu anguniarlugu illoqarfimmi pingaartumik talittarfinni sukujunnik nunaminertamik atugassiiffiunngitsuni paaatitsilluni allaffeqarfik ingerlataqarpoq. Tassungalu tapiliullugu illunik nutaanngitsunik paaanissamut periarfissiisoqarpat inoqarfinni takujuminarsaanermut torersaanermullu iluaqutaassaaqaaq.

Atuilluartuunissakkut kingunerisinnaasai

Illunik nutaanngitsunik isaterineq illoqarfimmi nunaqarfimmilu piffimmi immikkoortunut iluaqutaassaaq takujuminarnerulersitsinermigut sanaartorfiusinnaasunillu pilersitsiviussalluni.

Illunik piginnittut inatsisit atuuttut naapertorlugit akisussaaffik tamakkiisoq tigummivaat, aamma isaterisoqassappat, taassumalu attatiinnarneqarnissaa atuilluartuuneruvoq.

Kommunip illut isatigassat akisussaaffigilissappagit/pisiarissappagit illunik taamaattunik piginnittunik akisussaaffimmik arsaarinninnerussaaq, taamaalilluni isatigassanik piginnittut kommunimit isumagineqartumik isaterinissap ingerlatsisoqarnissaanik utaqqiinnalersitsisinnaalluni.

Aningaasaqarnikkut allaffissornikkullu kingunerisinnaasai

Illut isatigassat kommunimit pisiareqqaarneqassappata pisinerinnaq 30-50.000,- kr-inik naleqarsinnaanera missingersorneqarpoq. Tamannali atuilluartuunikkut kingunerisinnaasani allaaserineqartut utaqqiinnalersitsinermik kinguneqarsinnaavoq.

Illoqarfimmi illumik isaterineq missingersorneqarpoq 40-50.000,- kr-inik akeqarsinnaasoq, nunaqarfimmiussappallu sulii akisunerussalluni isaterisut ineqarnissaat, angalanerat, isaterinermilu igitassat illoqarfimmut oqqunneqarnissaat akilerneqartussaammata, taamaalilluni minnerpaamik illumut ataatsimut isaterinermi naatsorsorneqarluni 100.000,- kr-it missaanut.

Allaffeqarfiup naliliinera

Illunik isaterineq aningaasaliiffigineqarpat takujuminarsaanermut iluaqutaassaaq, illoqarfimmilu sanaartorfissanik pilersitsiffiussalluni.

Illunik nutaanngitsunik inoqanngitsunillu isaterinissamut iliuuseqarsinnaaneq killilerujussuuvoq akisussaaffik illunik piginnittuniimmat.

Illunik isatigassanik kommunimut tunniussisimaneq immikkut aningaasaliiffigineqartinnagu allaffeqarfimmiik iliuuseqarfigiuminaappoq, aningaasaliisoqarpalli iluarsiivigineqarsinnaalluni.

Innersuussut

Allaffeqarfiup innersuussutigaa paasissutissiissut Ataatsimiititaliamit tusaatissatut tiguneqassasoq.

Aalajangiineq

Innersuussut tusaatissatut tiguneqarpoq, periuusissaq misissorneqassaaq Koomunalbestyrelsemullu ingerlatinneqannissaa aaliangerneqarpoq

Ilanngussat

- 1 Gideon Lyberth-ip apeqquteqaataa.

Imm.4.5 Maniitsumi sisorartunut majuartaateeraq.

Journalnr. 55.03

Tunuliaqutaq

Kommunalbestyrelse-mut ilaasortap Gideon Lyberth majuartaateeraq pillugu siunnersuuteqarpoq.

Maleruagassatigut tunngavissat

Qeqqata Kommunian aaliangersakkat.

Pissutsit atuuttut

2016-imi Kommunalbestyrelsep silami sammisaqartitsinermit 1 millioninik aningaasaliissuteqarneratigut 2017-imi sisorarnermi majuartaateeqqamik Maniitsumi peqalerpoq.

2017-imi upernaakkut aputeqarnerulaarnera iluatsillugu majuartaateeraq Annersuup avanna-tungaani qulaani atoqqaartinneqarpoq.

Ukiunili tulluittuni tassa 2018-2019-2020-imilu piffik taanna aputikittarpoq aputip anorimik tingineqartuarnera pissutaanerulluni, taamaalilluni qamussuit apummik assartuisinnaanatik ujaqqat qaarsorlu pequtigalugit.

Ukioq kingulleq 2020-imi qamussuit akornuteqalerput, kingoraartissaalu ukioq manna 2021-imi januarimi ikkunneqarpoq, paasinarsivorli allamik aamma akornuteqartut, qarasaasiarlu atorlugu aatsaat akornutaa paasineqarsinnaalluni, aammali qarasaasiamut ikkuffik immikkuullarissaq pigineqanngimmat DK-imut piniaqqaarneqarpoq sulilu taanna maanna tikigani.

Gideon Lyberth-ip siunnersuutigaa majurtaat naalillugu allamullu apussarinnersumut nuullugu atorneqarnissaa.

Majurtaateeqqap naalineqarsinnaanera periarfissaqarpoq, taamaakkaluatorli qamussuit ajoquserneqannginnissaat aamma pillugu aput naammattoq pisariaqartinneqarpoq. Aputeqarnera isigiinnar-lugu naammakkasuginartaraluartoq qamussuarnit ingerlaffigineqalernermini naqinneqartarami taa-maalilluni qamussuarnut ulorianarpallaarluni.

Nuussiffiusinnaasut ujartorneqartarput, soorlu Annertusumi arsaattarfiup qulaatungaa, Politeeqar-fiup kangia-tungaani qoororalak, Iluliumaneq aammalu Eqalugaliup kangimut qulaatungaa, sangu-saartartullu peqatigiiffiata nammineq siunnersuutigaa Saviup qooruani periarfissarsiortoqassasoq. Piukkunnaraluarput majurtaateerarli ikkutissappat ilaatigut sisorarfiusinnaasooq annikippallaalissal-luni, minnerunngitsumillu aput unerartoq annikippallaarluni.

Aningaasaqarnikkut allaffissornikkullu kingunerisinnaasai

Majurtaatip suliarineqarnerani kommunimi sulisut tiiminik atuinerisa saniatigut soqanngilaq.

Allaffeqarfiup naliliinera

Ukiut tamaasa majurtaateeqqap ikkunneqarsinnaanera misissorneqartuaannarpoq, periarfissanillu ujartuisoqartuaannarluni, pinngortitali atortorissaarutillu qanoq inneri aalajangiisuujuannarlutik.

Allaffeqarfik isumaqarpoq massakkut inissisimaffigisaata aasakkut nunagissarneqarsinnaanera misissorneqarsinnaasooq, ukiunerani qamussuarnit angallavigiuminarsarlugu, nunagissarneqarnera aasakkut sammisaqartitsinermi aamma atorluarneqarsinnaassammat.

Innersuussut:

Allaffeqarfiup Teknikkemut Avatangiisinullu ataatsimiititaliamut innersuussutigaa:

- Siunnersuutigineqartoq nassuiaatigineqartullu aallaavigalugit majartaateqqap ikkunneqarnissaanut periarfissarsiortarnej ingerlatiinnarneqassasoq.

Aaliangerneq:

Innersuussut akuerinearpoq

Ilanngussat:

- 1 Oqaluuserisassatut siunnersuut.

Imm.6.1 2020-mi qilalukkat qaqortat qernertallu pisassiissutit atunngitsuukkanik 2021-imut nuussineq

Journalnr. 72.01.01.01

Tunuliaqutaq

2020-imi qilalukkat qaqortat qernertallu pisassiissutinit atunngitsuukkat 2021-imut nuunneqarneri pillugu Aalisarnermut, Piniarnermut Nunalerinermullu Naalakkerisoqarfiup Kommuninut nalunaarutaa 15.01.2021-meersoq.

Nalunaarutigineqarpoq nuussinermi Qeqqata Kommunianut qaqortat 50-it aamma qernertat 6-it pisassiissutigineqartut.

Maleruagassatigut tunngavissaq

Qilalukkat illersugaanerat piniagaanerallu pillugit Namminersorlutik Oqartussat nalunaarutaat nr. 3, 27 januar 2017-imeersoq.

§ 9. Kommunalbestyrelsi nunaqarfinni ataasiakkaani aqutsisut, najukkanilu aalisartut piniartullu peqatigiiffii kiisalu sunngiffimmi piniartartut peqatigiiffii isumasioqatigereerlugit kommunip aamma aqutsiveqarfiit qilalukkanik qaqortanik qernertanillu pisassiissutaannik inuussutissarsiuutigalugu piniartunut aamma sunngiffimmi piniartartunut agguaassinissaq pillugu piumasaqaatinik aalajangensaassaaq, pisassiissutinik agguaassinissaq sioqqullugu.

Imm. 2. Kommunalbestyrelsi inuussutissarsiuutigalugu piniartunut aamma sunngiffimmi piniartartunut ataatsimut piniarnissamut akuersissummik tunniusseqqusaanngilaq.

Imm. 3. Kalaallit Nunaata kitaani aqutsiveqarfinni qilalukkanut qaqortanut qernertanullu pisassiissutit 10 procentii angullugit sunngiffimmi piniarsinnaatitaasunut tunniunneqarsinnaapput.

Pissutsit atuuttut

Ukioq 2016-mi siullermeerluni Qeqqata Kommuniata iluani aqutsiveqarfiit marluusut Naalakkersuisoqarfinniit immikkoortinnagit ataatsimut pisassiisoqartalerpoq. Taamaalilluni 2016, 2017, 2018, 2019 aamma 2020-imi qernertat 6-it qaqortallu 50-it kommunip iluani agguaanneqartarlutik. 2021-mi qaqortat Qeqqata Kommunianut pisassiissutit 2-nik ilaneqarput 52-inngorlutik.

Kommunip iluani aqutsiveqarfinnut agguaassinermi qaqortanut tunngatillugu 2016-miit atornerqarpoq procent-inngorlugu 60/40-mik agguaassisarneq. Sisimiut aqutsiveqarfianut pisassiissutit 60 procent-ii Maniitsullu aqutsiveqarfianut 40 procent-ii pisassiissutigineqarlutik.

Qernertanut tunngatillugu pisassiissutit aqutsiveqarfinnut marluusunut avinneqarlutik 50/50 tunngavigalugu agguaanneqartarput.

Takussutissami uani takutinneqarput ukiuni kingullerni 8-ni aqutsiveqarfinnut marluusunut qaqortat pisassiissutaasartut pisarineqarsimasullu kisitsisinngorlugit.

Sisimiut aqutsiveqarfia:

Ukioq	2013	2014	2015	2016	2017	2018	2019	2020	2021
Pisassiissutit	30	30	30	30	30	30	30	30	31
Pisarieqartut	27	9	6	17	12	15	13	10	

**Teknikkeqarnermut ataatsimiititaliap marts-ip 4-ni 2021 ileqquusumik ataatsimiinnerani imaqarniliaq
02/2021**

Sisimiut aqutsiveqarfiani 2021-imi maannamut pisat nalunaarutigineqarsimasut:
Inuussutissarsiutigalugu piniarnermut allagartallit pisaat qaqtat 6.
Sunngiffimmi piniarnermut allagartallit pisaat : 0

Maniitsup aqutsiveqarfia:

Ukioq	2013	2014	2015	2016	2017	2018	2019	2020	2021
Pisassiissutit	12	12	12	20	20	20	20	20	21
Pisarieqartut	14	13	9	12	10	10	13	10	

Maniitsup aqutsiveqarfiani 2021-mi maannamut pisat:
Inuussutissarsiutigalugu piniarnermut allagartallit pisaat qernertaq: 1
Sunngiffimmi piniarnermut allagartallit pisaat : 0

Tusarniaaneq:

Naalakkersuisoqarfimmit 2021-mut ukiumoortumik pisassiissutit naliginnaasut agguaannissaannut atatillugu december 2020-imi Aalisartut piniartullu peqatigiiffii, Nunaqarfimmi aqutsisut kiisalu Sunngiffimmi pinialuttartut peqatigiiffii Allaffeqarfimmiit tusarniaaffigereernikuupput. Tusarniaareernerup kingorna 2021-mi naliginnaasumik pisassiissutit aqutsiveqarfinnut marluusunut agguaariaaseq 60/40 atorlugu agguaanneqassasut ataatsimiititaliap siulittaasuanit ulloq 30.12.2020 aalajangiiffigineqarpoq.

Aningaasaqarnikkut allaffissornikkullu kingunerisinnaasai
Ilanngussaqaangilaq.

Qullersaqarfiup oqaaseqaatai
Soqaangilaq

Allaffeqarfiup naliliinera

Ukiut siuliini aqutsiveqarfinnut marluusunut pisassiissutaasarsimasut, pisarineqartarsimasut aamma aqutsiveqarfinni immikkoortuni inuttussuseq tunngavigalugit Allaffeqarfiup nalilerpaa siunnersuutigalugu 2020-mi pisarineqaangitsut 2021-imut nuutat qaqtortanik pisassiissutit 50-it aqutsiveqarfinnut agguaanneqassasut procentinngorlugu 60/40 tunngavigalugu. Taamaalillugu Sisimiut aqutsiveqarfiat qaqtortanik 30-nik pisassinneqassasoq Maniitsullu aqutsiveqarfia 20-nik pisassinneqassasoq. Allaffeqarfiup nalilerpaa agguaariaaseq taanna amerlanernit maannamut iluarisimaarneqartoq. Allaffeqarfiup ilanngullugu nalilerpaa peqatigiffinnut matumani tusarniaaqqinnissaq pisariaqaangitsoq 2021-mi pisarineqarsinnaasut amerlammata aamma aqutsiveqarfinnut marluusunut pisassiissutit tamakkerneqarneq ajormata. Sisimiut aqutsiviani sunngiffimmi piniarnermut allagartallit qaqtortanik 3-nik aamma Maniitsup aqutsiviani sunngiffimmi piniarnermut allagartallit qaqtortanik 2-nik matumani pisassassinneqarsinnaasut allaffeqarfiup nalilerpaa siunnersuutigalugu. Qernertat 2020-mi pisarineqaangitsut 2021-mut nuunneqartutt 6-it pillugit Allaffeqarfiup nalilerpaa siunnersuutigalugulu ukiut siuliinisut aqutsiveqarfinnut marluusunut qernertanik agguaariaaseq procentinngorlugu 50/50 atorneqarsinnaasooq.

Innersuussut:

Allaffeqarfiup siulittaasup Teknikkeqarneq pillugu ataatsimiititaliaq sinnerlugu aalajangiinissanut akuereqqullugit innersuussutigai:

Qaqortat pillugit:

Innersuussutigineqarpoq 2020-mi qaqortanik pisassiissutinit pisarineqangitsut 2021-mut nuunneqartut 50-it aqutsiveqarfinnut marluusunut agguanneqassasut procentinngorlugu 60/40 tunngavigalugu.

Taamaalillugu **Sisimiut aqutsiveqarfiat** qaqortanik 30-nik pisassinneqassasoq.

Taakkunanga inuussutissarsiutigalugu piniarnermut allagartalinnut 27-it pisassiissutigineqassasut taavalu sunngiffimmi piniarnermut allagartalinnut 3 pisassiissutigineqassasut.

Maniitsup aqutsiveqarfia 20-nik pisassinneqassasoq. Taakkunanga 18-it inuussutissarsiutigalugu piniarnermut allagartalinnut pisassiissutigineqassasut taavalu 2-t sunngiffimmi piniarnermut allagartalinnut pisassiissutigineqassasut.

Qernertat pillugit:

Qernertat pisassiissutit 6-t aqutsiveqarfinnut marluusunut avinneqassasut taamaalillugu Sisimiut aqutsiveqarfiani inuussutissarsiutigalugu piniarnermut allagartalinnut 3-t Maniitsullu aqutsiveqarfiani inuussutissarsiutigalugu piniarnermut allagartalinnut 3-t pisassiissutigineqassasut.

Siulittaasup aalajangiinera

Siulittaasooq Teknikkeqarnermut ataatsimiititaliap sinnerlugu februar-ip 2-ani 2021 aalajangiivoq,

-Innersuussutigineqartoq akuersissutigalugu

Aalajangiineq pillugu Teknikkeqarnermut ataatsimiititaliap tullissaanik ataatsimiilerpat ilisimatinneqassaaq.

Frederik Olsen
Siulittaasooq
Februar-ip 2-ani 2021

Aalajangiineq

Tusaatissatut tiguneqarpoq.

Ilanngussat

1. 2020-imi qilalukkat qaqortat pisassiissutit atunngitsuukkat 2021-imut nuunneqarneri pillugu Aalisarnermut, Piniarnermut Nunalerinermullu Naalakkerisoqarfiup Kommuninut nalunaarutaa 15.01.2021-meersoq
2. Qilalukkat illersugaanerat piniagaanerallu pillugit Namminersorlutik Oqartussat nalunaarutaat nr. 3, 27 januar 2017-imeersoq.

Imm.6.2 Ukiumi pisassiiffiusumi 2021-imi aaffattassat agguaannerat.

Journalnr. 72.01.01

Tunuliaqutaq

Aalisarnermut, Piniarnermut Nunalerinermullu Naalakkersuisoqarfiup tusagassiorfinnut nalunaarutaani 30.11.2020-meersumi nalunaarutigineqarpoq aarrit 31-it Qeqqata Kommunianut 2021-mi pisassiissutigineqartut.

Aamma:

Aalisarnermut, Piniarnermut Nunalerinermullu Naalakkersuisoqarfiup Kommuninut nalunaarutaani 07.01.2020-meersumi nalunaarutigineqarpoq aavernik 2020-imi pisassiissutinik atunngitsuukkanik 2021-mut nuussinermi aarrit 6-it Qeqqata Kommunianut 2021-mi pisassiissutigineqartut.

Taamaalilluni matumani kommunip iluani aqutsiveqarfinnut agguaassinissami pisassat katillugit 37-it agguaanneqassapput.

Maleruagassatigut tunngavissat

Aarrit illersugaanerat piniagaanerallu pillugit Namminersornerullutik Oqartussat nalunaarutaat nr. 20, 27.oktober 2006-meersoq.

§ 6. § 4 naapertorlugu kommunimut pisassiissutit eqqarsaatigalugit akuersissutinik normulersukkanik qinnuteqaateqartunut atuuttumik inuussutissarsiutigalugu piniarnermut allagartalinnut kommunimilu tassani najugaqartutut inuit nalunaarsorsimaffianni nalunaarsorsimasunut kommunalbestyrelse agguaassissaaq. Qinnuteqaateqartut akuersissutinik agguaassinermi peqataasinnaassagunik qinnuteqaateqarnerminni atuuttumik inuussutissarsiutigalugu piniarsinnaanermut allagartaqassapput. *Imm. 2.* Kommunimut aaffanniarsinnaanermut akuersissutit tunniunneqartut aaffanniarsinnaanermut qinnuteqaatinit ikinneruppata, imm. 1 takuuk, kommunalbestyrelsip aalajangissavaa akuersissutit qanoq agguataarneqassanersut.

Pissutsit atuuttut

2015-miit 2019 ilanngullugu ukiumut aarrit 30-t Qeqqata Kommunianut pisassiissutigineqartarput. Pisassiissutigineqartut Sisimiut aamma Maniitsup aqutsiveqarfiinut kommunimit avinneqartarnerat pisallu amerlassusii imatut isikkoqarput.

Sisimiut:

Ukioq	Pisassiissutit	Pisarineqartut
2015	22	24*
2016	22	20
2017	22	16
2018	22	22+ 6 carry-over
2019	22	22+ 4 carry-over
2020	22	22 +4 carry-over

*Ukiut siuliani pisarineqangitsut nuutat aamma Maniitsup aqutsivianiit nuutat 2-it ilanngullugit.

Maniitsoq

Ukioq	Pisassiisutit	Pisarineqartut
2015	8	3
2016	8	8
2017	8	1
2018	8	4
2019	6*	2
2020	9	5

*2019-mut pisassissutit 2-t Sisimiut aqutsivianut piniagaanerisa naajartorneqani nuunneqarput.

2021-imut Qeqqata Kommunianut aarrit 31-t pisassiissutigineqartut aamma 2020-imi atunngitsuukkat 6-it aqutsiveqarfinnut marluusunut qanoq avinneqarnissaat pillugu kommunimi aalisartut piniartullu peqatigiiffiit Allaffeqarfik tusarniaavoq.

Tusarniutigineqartumut ukua akissuteqarput:

Sisimiuni angallateerarsorlutik aalisartut piniartullu peqatigiiffiat akissuteqaatiminni xx.02.2021-meersumi imatut avinnissaanut siunnersuuteqarput:

“Isumaqarpugut Sisimiut aqutsiveqarfiannut aarrit 30-t arfineq marluk Maniitsoq-p aqutsiveqarfianut tunniunneqassasut.

Ukiut kigullit eqqarsaatigalugit Sisimiut aqutsiveqarfianni nuguttarpaat, Maniitsup aqutsiveqarfianni nugussanagit, ukioq kigulleq nugunngitsuugaat qinnutigini kuuvagut akuerineqaratalu piniassagamikkinngooq.

Aatsaat ulloq ataasiinnangortoq silalu imarlu ajortut piniariartoqarsinnaaunnaarmat aatsaat tunniuppaat.”

Sisimiuni aalisartut piniartullu tusarniummut imatut oqaaseqaateqarput: “Qeqqata kommuniani Aarrit avinneqarnissaat siuleruisut kissaatigaat siorna maniitsormiut pisaqarpiarsimangimmata sisimiunut 27-it maniitsumullu 10-it.

Taamak naatsumik siunnersuuteqarpugut.”

Maniitsumi Umiatsiaararsorlutik aalisartut piniartullu peqatigiiffiata oqaaseqaatiminni xx.02.2021-meersumi imatut allapput:

“MUAPP-miik kissaatigaarput aaffattassat ikinnerpaamik 15-it Maniitsup aqutsivianut nuunneqassasut. Aaffanniartussaqaalunna pillugu kissaatigineqarpoq maanngaanniik”.

Qullersaqarfiup oqaaseqaatai

Allaffeqarfiup naliliinera

Allaffeqarfiup nalilerpaa 2015-imiit 2019 ilanngullugu pisassiissutit pisaasartullu tunngavigalugit agguariaaseq 22/8 atorneqarsimasoq naleqquttuusoq aamma naammagisimaarneqartoq.

2020-mut kommunimut pisassiissutit 1-mik amerlisinneqarput taamaalillugu 31-t pisassiissutigineqarlutik.

2021-mi Kommunimut pisassiissutit kingumut 31-iupput.

Allaffeqarfiup nalilerpaa siunnersuutigalugulu amerleriaat ataaseq 2020-misulli Maniitsup aqutsivianut pisassiisutaasinnaasoq. Taamaalillugu Sisimiut aqutsivia 22-nik pisassinneqarsinnaasoq Maniitsullu aqutsivia 9-nik pisassinneqarsinnaasoq.

2020-imi pisassiissutit atunngitsuukkat 2021-mut nuunneqartut 6-it pillugit Allaffeqarfiup nalilerpaa siunnersuutigalugu aqutsiveqarfimmut marluusunut agguanneqassasut taamaalillugu Sisimiut aqutsiviat 4-nik pisassinneqarsinnaasoq Maniitsullu aqutsivia 2-nik pisassinneqarsinnaasoq.

Allaffeqarfiup nalilerpaa siunnersuutigalugulu aarrit piniagaanerisa nalaani 1. marts-imiit 30. april ilanngullugu piffissap taassuma iluani aqutsiveqarfinni pisarineqartut apeqqutaatillugit aqutsiveqarfimmiit aqutsiveqarfimmut pisassiissutinik nuussisinnaaneq periarfissaasinnaasoq.

Innersuussut:

Allaffeqarfiup siulittaasup Teknikkeqarneq pillugu ataatsimiititaliaq sinnerlugu aalajangiinissanut akuereqqullugit innersuussutigai:

-Sisimiut aqutsiveqarfianut aarrit katillugit 26-t pisassiissutigineqassasut, Maniitsullu aqutsiveqarfianut aarrit katillugit 11-it pisassiissutigineqassasut.

-Piniagaanerisa nalaani aqutsiveqarfinni pisarineqartut apeqqutaatillugit aqutsiveqarfimmiit aqutsiveqarfimmut pisassiissutinik nuussisinnaaneq qinnuteqarnikkut periarfissaasassasoq qinnuteqartoqassappallu tamanna nalililereernikkut aalajangiiffiigineqassasoq..

Siulittaasupp aalajangiinera:

Siulittaasooq Teknikkeqarnermut ataatsimiititaliaq sinnerlugu februar 10-ani 2021 aalajangiivoq,

-Innersuussutigineqartoq akuersissutigalugu

Aalajangiineq pillugu Teknikkeqarnermut ataatsimiititaliap tullissaanik ataatsimiilerpat ilisimatinneqassaaq.

Frederik Olsen
Siulittaasooq
Februar-ip 10-ani 2021

Aalajangiineq

26 sisimiut , 11 Maniitsoq, akuersussutigineqarpoq

Ilanngussat:

- 1 2021-imut pisassiissutit pillugit Aalisarnermut, Piniarnermut Nunalerinermullu Naalakkersuisoqarfimmiit tusagassiutinut nalunaarut 30.11.2020-meersoq
- 2 Aaffattassiisutit 2020-imi atunngitsuukkanik pisassiivimmu 2021-mut nuussineq pillugu Aalisarnermut, Piniarnermut Nunalerinermullu Naalakkersuisoqarfimmiit Kommuninut nalunaarut 07.01.2021-meersoq
- 3 Aarrit illersugaanerit piniagaanerallu pillugit Namminersornerullutik Oqartussat nalunaarutaat nr. 20, 27. oktober 2006-meersoq.
- 4 SAAPP-p oqaaseqaataa 04.02.2021-meersoq,
- 5 Sisimiuni aalisartut piniartullu peqatiiffiata oqaaseqaata 08.02.2021-meersoq
- 6 Maniitsumi Umiatsiaararsorlutik aalisartut piniartullu peqatiiffiata oqaaseqaataa xx.02.2021-meersoq

Imm.6.3 Sisimiut Kangerlussuullu akornanni aqqusinissamut 2021-mi sanaartorneq.

Journal nr. 06.01.03 ERP-mik suliniut 500143

Tunuliaqutaq

Qeqqata Kommunalbestyrelsi 2020-mi maajip 28-ani ataatsimiinnermini aalajangiivoq, Sisimiut Kangerlussuullu akornanni aqqusineq pillugu borgmesteri aamma Teknikkeqarnermut Ataatsimiititaliap siulittaasua aalajangiinissamut pisinnaatinneqassasut.

Qeqqata kommunalbestyrelsip 2020-mi novembarip 26-ani ataatsimiinnermini aalajangiivoq, Qeqqata Kommunian Sisimiut Kangerlussuullu akornanni ATV-nut ingerlavissiamik kiisalu Tasersuaq Aasivissuit akornanni aqqusinermik aammalu 2021-mi Kellyville/Kangerlussuaq-Kangerluarsuk Tulleq-mi ATV-nut ingerlavissiap naammassineqarnissaata salliutinneqarnissaat, Kangerluarsuk Tulleq- Sisimiut aammalu Tasersuaq-Aasivissuit-ni ATV-nut ingerlavissiap Namminersolutik Oqartussanit avatangiisinut akuersissutigneqarnissaat utaqqimaarneqassallutik.

Imeqarfiup killeqarfia aqqusaarlugu Arctic Circle Carrier angalasinnaaneranut Suliffeqarnermut, Iisimatusarnermut Avatangiisinullu Naalakkersuisoqarfik akuersissuteqarnissamut tusarniaassummik 2020-mi decembarimi nassiusivoq. 2022-mit Kangerlussuaq aamma Kangerluarsuk Tulleq-up akornanni ATV-nut ingerlavissiakkut kiisalu Kangerluarsuk Tulleq Sisimiullu akornanni ATV-nut ingerlavissiassakkut nunakkut Island-imit biilnik immikkut sanaartugaasunik pingasunik angalanissamik Arctic Circle Carrier kissaateqarpoq.

Sisimiut Kangerlussuullu akornanni aqqusinniornissamut inuiaqatigiinnut aningaasaqarnikkut iluaqutaasinnaaneranik misissuinissamut, Namminersolutik Oqartussat tuluit siunnersuisartut Oxford Global Projects-imik suliaqartitsipput. Oxford Global Projects nalunaarusiaminnik 2021-imi februaarip naalernerani tunniussinissartik naatsorsuutigaa.

2021-mi Kangerlussuaq aamma Kangerluarsuk Tulleq akornanni ATV-nut ingerlavissialiornissamut Qeqqata Kommunian MT Højgaard-imut isumaqatigiissuteqarpoq, illuatungeriilli isumaqatigiissutip iluarsiffigneqarnissaanik isumaqatigiipput.

Maleruagassatigut tunngavissat

Kommunalbestyrelsi aningaasaliisartuuvoq. Aningaasaqarnermut ataatsimiititaliap nuussisussaataavoq. Teknikkeqarnermut ataatsimiititaliap sanaartorneqarnermut suliaasanut akisussaasuvoq.

Pissutsit atuuttut

Aqqusinermut sioraasumut 21 km-iusumut 2020-mi maajip 27-ani suliariumannittussarsiuussinermi ataasiinnarmik neqerooruteqartoqarpoq. Piffissaq atorneqartoq malillugu MT Højgaard-imit. ATV-nut ingerlavissiaq immikkoortunut marlunnut avitaaqqaagaanikuvoq, kisianni neqerooruteqartut pingasuusut ATV-nut ingerlavissiamut tamarmiusumut neqerooruteqarput. Marluk piffissaq atorneqartoq malillugu marlullu aki aalajangersimasoq malillugu. Piffissaq atorneqartoq malillugu MT Højgaard akikinnerpaavoq aammalu nalilerneqarpoq, piffissaq atorneqartoq kommunimut aningaasaqarnikkut pitsaanerpaasoq. Juunip aqqarnani ASN-imik nassuiaammik tunngaveqartumik 2020-mi juunip aqqaneq-aappaani aqqusineq (A) pillugu aammalu 2020-mi juunip 29-ani ATV-mut ingerlavissiaq (B+C+D) pillugu MT Højgaard-imik isumaqatigiissusiortoqarpoq.

2020-mi aggustip 27-anit septembarip 18-iata tungaanut, ullut suliffiit 20 missarluinnaat atorlugit, assaatit marluk atorlugit MT Højgaard ATV-nut ingerlavissiassatut aqqusinermik piareersaataasumik 15 km-it ⁵⁶

angungajallugit takissusilimmik sanaartorpoq. Tamatuma kingorna assaatit MT Højgaard-imit Kangerlussuarmut ukiiartortillugit utertinneqarput, 2021-mi aasalernerani ATV-nut ingerlavissiassap aallartisarneqarnissaa siunertaalluni. 2021-mi Kangerlussuup aammalu Kangerluarsuk Tulleq-up akornanni ATV-nut ingerlavissialiornissamut Qeqqata Kommunia MT Højgaard-mut isumaqatigiissutitigut pituttugaavoq. Taamaalillunilu Qeqqata Kommunia ATV-nut ingerlavissiassamut suliffeqarfinnut allanut aatsaat 2022-mi isumaqatigiissusiorsinnaalluni.

Kellyville aamma Kangerluarsuk Tulleq-up akornanni ATV-nut ingerlavissiap tamakkiisup naammassineqarnissaanut periarfissat pillugit, MT Højgaard aamma Qeqqata Kommuniani allaffeqarfik novembarip naalerneranili eqqartueqatigiipput. Assaatinut marluusunut qamutininik larvefodilinnik ilaliisoqarnissaa, tassa pilersuutininik assartuutissatut (camp, orsussa, amcorør il.il.) aammalu immikkoortuni masarsoqarfinni ujaraalersuinissamut, illuatungeriinnit pisariaqartuuneranik isumaqatigiittoqarpoq. Qamutit larvefodillit ujaraalersuinissamut tigutsisillit nassiunneqarnissaanut piffissamik pisariaqartitsisoqarmat, januaarimi erseqqissaasoqarnissaa MT Højgaard-mit kissaatigineqarpoq. Tamatuma saniatigut 2020-mi Kangerlussuarmi naammassiffimmit kiisalu Kangerluarsuk Tulleq-mi aallartitsisoqarnissaa eqqartorneqarpoq.

2020-mili naammassiffigisamit aallartitsisoqarnissaa pitsaanerussasoq illuatungeriinnit isumaqatigiissutigineqarpoq, taamaattorli ulloq unnuarlu sulisoqarsinnaanissaa anguniarlugu sulisut holdit marluussasut. Ima paasineqassaaq, maskiinat atorineqartut tassaasut assaatit marluk kiisalu qamutit larvefodillit tamakkiisumik atorineqalissallutik, taamaalillunilu maskiinanik aallartitsinermi ukiisitsinermilu akiliuteqartoqartariaqarani. Iluatungaaticullu naatsorsuutigineqarpoq, entreprenørimit sulisunut aqutsisoq ataaseq kiisalu sanaartortitsisumit site manager ataaseq naammassasut.

Juunip qiteqqunneranit aallartilluni aggustip naalerneranut sulisut holdit marluk atorlugit sulisoqarsinnaanera naatsorsuutigineqarpoq. Aggustip naalerneranit septembarip naalernerata tungaanut sulisut holdit ataasinnaasinaasoq naatsorsuutigineqarpoq.

MT Højgaard nalunaaruteqarpoq, 2021-mi sanaartornerminni sapaatit akunneri marlukkaarlugit sulisut ullunik pingasunik sulinngiffeqarlutik Kangerlussuarmut utertarnissaat pisariaqassammat, ulluni 14-ini ullut aqqanillit sulisoqarnissaa naatsorsuutigineqartoq. Juunip qulingata missaanit septembarip 30-ata tungaanut sanaartorneq sapaatit akunnerinik 16-inik, ullunik 112-inik sivilissuseqartoq, ullut 88-it missaanik sulisoqassaaq. Piffissami tamarmi sulisut holdit marluutillugit ingerlasoqartillugu, ullut suliffiusut 176-iussapput. Unnuakkut sulisartut aggustip 26-ata tungaanut taamaallaat ingerlassappata, unnuakkoortartunut sanaartorneq sapaatit akunnerinik aqqanilinnik, ullunik 77-inik imaluunniit ullut suliffiusunik 60-it missaanik sivilissuseqassapput. Ullut suliffiusussanut 148-nut amerlassuseqarnissaanik periarfissiisaaq.

2020-mi ATV-nut ingerlavissiamut ullormi sulineq, ullormut assaatit agguataarlugit akunnerit quliullutik, sanaartorneq 0,71 km-uvoq. 2020-mili kuuat ajornakusoortitsisut aammalu ataaticut kuuffilersuinerit aqqusaarneqanngillat, soorluttaaq immikkoortuni masarluttuni ujaraalersuinerit taamaallaat ingerlanneqartut. Aqqutit ataaticut kuuffilersuinissat kiisalu immikkoortuni masarluni ujaraaqpanik ingerlatsisoqassammat, ullormi suliffiusuni 0,6 km-t missaanik takissuseqarnissaa naatsorsuutigineqassasoq nalilerneqarpoq. Sulisunut holdimut ataaticut ullormut agguaqatigiisillugu 0,6 km-t ingerlanneqartassappat, ATV-nut ingerlavissiap naammassineqarnissaanut ullut holdinut suliffiusussat 176-it pisariaqartinneqarput. Kangerlussuaq aamma Kangerluarsuk Tulleq akornanni ATV-

nut ingerlavissiaq 2021-mi naammassiniarneqassappat, 2021-mi sulisut holdit marluutinnissaat pisariaqarpoq.

Atuilluartuunissakkut kingunerisinnaasai

Ataatsimut isigalugu timmisartornermut sanilliullugu aqqusinikkut assartuineq avatangiisit eqqarsaatigalugit atuilluarterussaaq. Soorluttaaq timmisartornermut sanilliullugu assartuineq kisimiitinnerullugu aqqusinermik assartuinissamik sammineruvoq, taamaalillunilu assartuussissutinik tamanit atorneqarsinnaasunit namminersortut assartuussisinnalernerunissaannik kinguneqassalluni.

Aningaasaqarnikkut allaffissornikkullu kingunerisinaasai

Kangerlussuaq aamma Pingu akornanni ATV-nut ingerlavissiasamat 13,9 mio. koruuninik kiisalu Sisimiut aamma Pingu akornanni ATV-nut ingerlavissiasamat 15,5 mio. koruuninik, 2020-mi novembarimi Qeqqata kommunalbestyrelsi nuussinissakut aningaasaliissutinik immikkoortitsivoq. Katillugit 29,4 mio. kr. 2020-mi ATV-nut ingerlavissiamut 15 km-sut takitigisumut 2,7 mio. koruunit missaaniittut atorneqarput.

2021-mut aallartitsinerit 2,5 mio. koruunit kiisalu 2020-mut aallartitsinerit akiligassanngortinneqanngitsut 330 t.koruunit, 2020-mi ukiisitsinerit 358 t.koruunit aammalu camp-ip Kellyvillellu akornanni angallannerit 357 t.koruunit kiisalu naleqqanut ilisarnaatinut 422 t koruunit, MT Højgaard-mit paasissutissiissutigineqarput. Inaarutaasumik isumaqatigiinninniarnerni, aalajangersimasumik akiliutigineqartartut 4,1 mio. koruuniusut appalaartinneqarnissaat naatsorsuutigineqarpoq.

2020-mi annerpaamik akunnerit 11,5-inik sulisoqassappat, holdimut ataatsimut ullormut aki 87.561 koruuniussaaq.

Ullormut 0,6 km. aammalu ullut holdikkaarluni suliffiusut 176-it annerpaamik 19,6 mio. koruuninik akimik kinguneqassapput.

Ullormut 0,7 km. aammalu ullut holdikkaarluni suliffiusut 151-it annerpaamik 17,4 mio. koruuninik akimik kinguneqassapput.

Ullormut 0,5 km. aammalu ullut holdikkaarluni suliffiusut 216-it annerpaamik 22,7 mio. koruuninik akimik kinguneqassapput.

Ullormut 0,4 km. aammalu ullut holdikkaarluni suliffiusut 265-it annerpaamik 27,3 mio. koruuninik akimik kinguneqassapput.

Ullormut 0,4 aamma 0,5 km-t 2021-mi sanaartornermi ingerlanneqarsinnaassanngillat.

Tamatununga site manager-mut/nakkutilliinerit aningaasartuutit ilanngunneqassapput, taakkulu ullormut 10.000 koruunit missaanik naleqassallutik. Ullormut 0,6 km-nut 1 mio. koruunit tikingajalluinnarlugit annertussuseqassapput. ATV ingerlavissiamik nakkutillineq misissueqqaarnermut kiisalu aqqusinermut sioraasumik pilersaarusernermut ilanngunneqarsinnaanersoq Namminersorlutik Oqartussanit erseqqissarneqareerpat, suliassaq marsimi suliariumannittussarsiorneqartariaqaralarpoq. Tamanna 2021-mi sanaartornissamat annerpaamik 20,6 mio. koruuninik naleqartitsisariaqaralarpoq. Tamatumunnga 2020-mi atuineq 2,7 mio. koruunit ilanngunneqassapput. Kingornalu Sisimiut Kangerluarsuk Tulleq-up akornanni 2022-mi ATV-nut ingerlavissiamut sanaartornermut minnerpaamik 6,1 mio. koruuninik naleqassalluni.

Allaffeqarfiup naliliinera

Allaffeqarfik naliliivoq, Sisimiut Kangerlussuullu akornanni aqqusinivimmik sioraasumik sanaatorneq Qeqqata Kommunianut ineriartortitsilluni suliniutinut aalajangiisuusoq aammalu suliniutaasoq

suliariuminaatsoq. Sisimiut Kangerlussuullu akornanni aqqusineq Kalaallit Nunaanni siullerpaartaalluni inoqqarfinnik marluusunik atassusiisuusassaavoq. Illuatungaaticigullu immikkoortumi aqquserngit amigaataaneraticigut, nunap pissusaanik ujaraaraqarneranillu misissuinissamut tikikkuminaallunilu akisuvoq. Aammattaaq kommunip sanaartugassatut suliaassaataanit allanit sanaartornermut missiliuutunik nalorninarnerusunik tunisivoq.

Allaffeqarfik naliliivoq, Kangerlussuarmit Kangerluarsuk Tulleq-up tungaanut assaatit marluk, qamutit larvefodillit aammalu sulisut holdit marluk atorlugit ATV-nut ingerlavissiamik sanaartornissamut, MT Højgaard-imik isumaqatigiissusiornissaq naapertuunnerussasoq. Allaffeqarfik naliliivoq, 2021-mi sanaartorfiusumi annerpaamik kommuni 20,5 mio. koruuninik akiliisussanngorlugu, isumaqatigiissut septembarip naaneranut atorunnaartussanngorlugu ilusilersorneqartariaqartoq.

Allaffeqarfiup naatsorsuutigaa, 2021-mi februaarimi Arctic Circle Carrier 2022 aallarnerfigalugu, Sisimiut imeqqarfiup killeqqarfia aqqusaarlugu methanol-imik aallaavilinnik angalanissamut immikkut akuersissuteqqartoqassasoq kiisalu qinnuteqqartoqassappat, methanol-itortunik imaluunniit innaallagiatortunik qamutillit assinganik periarfissinneqassasut. Allaffeqarfiup naatsorsuutigaa, Oxford Global Projects-imit nalunaarusiap takutissagaa aqqusineq inuiaqatigiinnut aningaasaqarnikkut iluanaarutaassasoq, taamaattumillu misissueqqarnerit aqqusinermillu pilersaarusiorneq 2021-p aasaanerani aallartisarneqartariaqartut. Taamaattumik ATV-nut ingerlavissiap 2021-mi Kangerluarsuk Tulleq-mut apuunnissaanik suliniutip annertuumik siuariartornissaanik ukkataqqartoqartariaqaraluarpoq, taamaalillunilu Arctic Circle Carrier 2022-mi ingerlavissiamik atuisinnaassalluni, aqqusinivissamullu misissueqqarneq pilersaarusiorterlu 2021-mi ingerlanneqqarsinnaassalluni.

Allaffeqarfik naliliivoq, 2021-mi ATV-nut ingerlavissiap sukkasuumik siuariartinneqarneraticigut, 2021-mi aqqutit ataaticigut kuuffilersuinerit salliutinneqqarsinnaanngitsut. Taamaattoqassappat, tamanna 2022-mi ingerlanneqqarsinnaavoq, Sisimiut Kangerluarsuk Tulleq-up akornanni ATV-nut ingerlavissiap Sisimiunit aallaaveqqarluni sanaartorneqarnissaa naatsorsuutigineqartoq. Qamutit larvefodillit atorneqqarnissaat ingalassimaarniarlugu, kommunip qamussui atorlugit kuuffiit/amcorør-it assartorneqqarnissaanut periarfissamik allaffeqarfik misissuivoq. Kangerlussuaq Kangerluarsuk Tulleq akornanni ATV-nut ingerlavissiap 2021-mi sanaartorfiusumi naammassineqanngitsuussagaluarpat, imeqqarfiup killeqqarfia aqqusaarlugu ATV-nut ingerlavissiap 2022-mi sanaartorfiulluni ataatsimoorussamik suliariumannittussarsiorneqqarsinnaavoq.

Innersuussut

Teknikkeqarnermut ataatsimiititaliami siulittaasumut borgmesterimullu akuereqqullugu innersuussutigineqarpoq

-assaatit marluk, qamutit larvefodillit ataatsit aammalu sulisut holdit marluk Kangerlussuarmit atorlugit aallartisarnissamut MT Højgaard-mik isumaqatigiissusiortoqassasoq

-Kangerlussuarmut umiarsuup siulliup tikinneranit aallartittumik isumaqatigiissut aallartinneqassasoq, 2021-milu septembarip naanerani atorunnaarsinneqqarluni

Siulittaasup aalajangiinera

Teknikkeqarnermut ataatsimiititaliaq sinnerlugu siulittaasoq aalajangiivoq, innersuussutigineqartut akuersissutigalugit.

Teknikkeqarnermut ataatsimiititaliaq tullissaanik ataatsimiileruni, aalajangiineq pillugu paasissutissinneqassaaq.

Frederik Olsen

Teknikkeqarnermut ataatsimiititaliamut siulittaasoq

2. februaari 2021

Aalajangiineq

Tusaatissatut tiguneqarpoq.

Ilanngussat

1. 2020-mi novembarip 26-ani Kommunalbestyrelsip ileqqusumik ataatsimiinneranit 07/2020 imaqarniliaq imm. 3.3

Imm.08 Tamalaat

Gideon – Illunik iluarsartuussinermi aningaasalersueriaaseq, suliffeqarfiillu suliaqareernerminni sivisuumik akilerneqarnissaminut utaqqisarnertik pissutigalugu, suliassat tigujumajunnaarsimagaat apuunneqarpoq, qujassuteqarpoq tamanut, siulittaasumullu.

Siverth – Hudson Ressources-imut suliffissarsiortut Majoriaq-mut sulisussarsiorneq pillugu saaffiginnittarnissaat innersuussutigineqarpoq.
Qujassuteqarpoq suleqatigiissimanermut tamanut.

Axel – Qujassuteqarpoq Udvalg-mut suleqataasimasunut tamanut.

Frederik Olsen- Ataatsimiititaliami siulittaasuusimanini qujassutigivaa, Nuummullu nuuttussaaneq eqqaavaa ilani ornillugit, malinnaasarumaarpoq pisunut.

Juliane – Ataatsimiititalianut qujassuteqarpoq tamanut, politikerinik kiffartuussineq pitsanngorsartuagassaavoq.

Ataatsimiinneq naavoq nal. 16.08